



諸證提綱卷之十目錄

發熱辯第九十三

柴胡飲子

地骨皮散

又地骨皮散

秦艽扶羸湯

歸耆湯

朱砂涼膈丸

安神丸

人參黃耆散

木香金鈴散

妙香丸

青神散

牛黃散

四生散

梔附丸

瀉胃湯

瀉白散

人參瀉肝湯

半夏湯

赤茯苓湯

既濟清神散

地黃煎

桔梗湯

龍腦飲子

千金地黃丸



門冬丸

火府丹

回金丸

吐血第九十四

犀角地黄湯

生地芩連湯

四生丸

枳橘湯

烏附散

三黃補血湯

天門冬丸

大阿膠丸

女真丹

參栢糊

狗膽

人參湯

與勞瘵條稍異

扶脾生脉散

山梔地黄湯

大薊飲子

葛連丸

解毒湯

解毒湯

保命散

桂附湯

金液丹

茯苓補心湯

鷄蘇散

滋陰降火湯

龍腦鷄蘇丸

百花膏

二陳芎歸湯

玄霜膏

補肺湯

杏子湯

聖餅子

地黄膏

十灰散

花蓋石散

全生飲

血餘散

生地黄散

枇杷葉散

雙荷散

五神散

是齋白朮散

必勝散

天門冬湯

側栢散

剪草膏

丹枇杷葉丸

瓜萎犀角湯

東垣八味白朮散

鷄蘇丸

丹十味牡丹散

二門冬飲

當歸芍藥湯

血逆一方

吐血三方

嘔咯衄一方

衄血第九十五

茜梅丸

莎芎散

人參飲子

東垣黃耆芍藥

茜根散

生地黄湯

地黄飲

寸金散

東垣黃耆止衄湯

止衄散

衄血十二方

產婦衄血二方

溺血第九十六

髮灰散

小薊飲子

膠艾四物湯

鹿角膠丸

秋石固真丸

金櫻膏

玉屑膏

丹溪二物散

二葉飲

姜黃飲

溺血一方

孕婦溺血一方

便血第九十七

平胃地榆湯

當歸和血湯

東垣涼血地黄湯

加味槐角丸

樗參散

苦參丸

結陰丹

酒煮黃連丸

香連丸

蒼地丸

龜栢丸

臙頭丸

六神丸

升陽除濕和血湯

升麻補胃湯

榆砂湯

卷栢散

剪紅丸

礬附丹

活龜丸

連殼丸

仲景黃土湯

赤小豆散

麩孽散

六烟散

四灰散

玉屑丸

椿皮散

東垣烏梅丸

東垣加減四物湯

黑玉丹

烏白丸

卷栢丸

臟毒方

腸風三方

下血不止一方

雜血第九十八

九竅出血二方

肌衄一方

舌衄一方

耳血一方

牙宣五方

咽衄治法

虛損第九十九

清骨散

保真湯

黃耆驚甲湯

保和湯

人參潤肺丸

寧肺湯

白菝散

白朮膏

黃耆散

加減五蒸湯

人參青肌散

益胃升陽湯

黃耆益損湯

二宜丸

補陰丸

大補陰丸

天門冬膏

保元湯

鹿茸大補湯

菘蓉散

加減內固丸

三仙丹

溫腎丸

膈肭補天丸

斑龍丸

固真飲子

二至丸

異類有情丸

人參固本丸

朱子讀書記

天麻丸

橘皮煎丸

蒼朮膏

參苓造化膏

人參膏

五味子膏

三味安腎丸 太極丸 交感丹

虛損主方即節齋四物湯 牛膝丸 金剛丸

勞瘵第一百

人參湯 大造丸 補天丸

白鳳膏 蓮心湯 紫河車丹

追病丹 加味四物湯 參耆散

青蒿散 三胡散 神授散

莫還丹 麥煎散 神人阿魏散

白茯苓湯 驚甲散 輕骨散

蛤蚧飲子 青蒿飲 青蒿飲子

鬼哭飲子 麝香散 取勞蟲二方

傳屍勞一方

附葛氏治勞血咳嗽十方

消化丸 補髓丹

諸證提綱卷之十目錄終

諸證提綱卷之十

秀水陳文治輯
關中秦應禎校

發熱辯第九十三

熱分
晝夜

雜證發熱不同於外感有氣血之分虛實之殊三焦之異
五臟之別焉苟不知所分析豈惟藥之不効實實虛虛之
禍不旋踵矣王海藏曰晝熱則行陽二十五度用柴胡飲
子平日發熱熱亦在行陽之分肺氣主之用白虎湯以瀉
氣中之火然必氣分實熱而脉洪者抑之使秋氣得以下
降也或用敗毒散加荆芥青皮白朮亦可若氣分虛熱宜

實虛辨

清心蓮子飲甚者龍腦鷄蘇丸久者小柴胡湯合四物湯
升陽益胃湯補中益氣湯夜熱則行陰二十五度用四順
飲子日晡發熱亦在行陰之分腎氣主之用地骨皮散以
瀉血中之火然必脉弦者舉之使春氣得以上升也若血
分虛熱宜四物湯加芩連山梔久則用秦艽扶羸湯歸耆
湯滋陰降火湯蒸熱者加味道遙散坎離丸氣血俱實熱
者宜洗心散甘露飲澤瀉湯氣血俱虛熱者宜升陽滋陰
兼用十全大補湯人參養榮湯俱加知母黃柏王海藏曰
骨肉筋血皮毛陰足而熱反勝之是為實熱骨痠內燥筋
緩血枯皮聚毛落不足而有熱是為虛熱東垣曰能食而

五臟熱

熱口舌乾燥大便難者實熱也以辛苦大寒之劑下之瀉
熱補陰經云陽盛陰虛下之則愈脉洪盛而有力者是已
不能食而熱自汗氣短者虛熱也以甘寒之劑瀉熱補
氣經云治熱以寒溫而行之脉虛弱者是已此熱之分氣
血虛實也至於熱由五臟東垣有手捫三法以辨皮毛肌
肉筋骨之熱因以別於臟腑均用三黃丸為通治細分之
則五臟各異其治也肺主皮毛其熱也輕手捫之乃得微
按全不覺熱腎然見於皮毛之上日西尤甚其證必見喘
欬灑浙寒熱其脉輕按之如三菽之重於毛相得而數輕
之瀉白散重者涼膈散白虎湯及地黃地骨皮散治之王

海藏謂皮膚如火燎而以手重取之則不甚熱乃肺熱也
 目白睛赤燥引飲者與黃芩一物湯凡瀉肺與大腸火俱
 用黃芩心主血脉其熱也微按至皮膚之下肌肉之上輕
 手乃得稍重至皮毛之下則熱少加力按之則全不熱是
 熱在血脉也日中為甚其證心煩心痛掌中熱而噦其按
 之如六菽之重與血脉相得而數以黃連瀉心湯導赤散
 朱砂丸安神丸清涼散之類治之凡瀉心火用黃連小腸火
 用木通脾主肌肉其熱也輕手捫之重手按之俱不熱不
 輕不重而始得之是熱在肌肉也遇夜尤甚其證怠惰嗜
 臥四肢不收無氣以動其脉按之如九菽之重與肌肉相

得而數實者以瀉黃散調胃承氣湯中虛者以人參黃耆
 散補中益氣湯分別治之凡瀉脾火用白芍藥胃火用石
 膏肝主筋其熱也按至肌肉之下骨之上而得是熱在筋
 也寅時為甚其證四肢滿悶便難轉筋多怒多驚四肢困
 熱筋痿不能起於床其脉按之如十二菽之重與筋相得
 而數或兩手脉弦皆肝熱也以瀉青丸柴胡之類治之凡
 瀉肝膽火俱用柴胡佐之以黃連腎主骨其熱也輕按之
 則不得重按至骨其熱蒸手如火如炙是熱在骨也其證
 骨蘇蘇然如蟲蝕困熱不任不能起於床其脉按至骨舉
 指來疾而數是腎熱也以滋腎丸六味地黄丸主之凡瀉

熱胃腸

熱暴

熱積上焦

熱焦下

熱焦中

三焦俱熱

腎火用知母膀胱火用黃柏此五臟熱之大槩也若胃中熱則消穀令人懸心善饑臍以上皮熱胃居臍上故胃熱則臍以上熱也腸中熱則瀉黃如糜臍以下皮熱腸居臍下故腸熱則臍以下熱也若夫暴熱則熱在心肺當胸背必熱其證多上喘宜局方雄黃解毒丸病在心肺亦謂之高喘宜木香金鈴子散積熱則熱在腎肝當腰心熱宜局方妙香丸大凡熱屬於歲氣則表熱上焦宜用黃芩虛者天門冬代之而以清神散連翹防風湯涼膈散龍腦飲子犀角地湯選用若上焦熱而煩則宜牛黃散熱屬於血則裏熱下焦熱腎肝熱均屬之陰而治相類也其治下焦熱

宜用草龍膽防已黃柏肥人虛者蒼朮南星滑石瘦人虛者牛膝檳榔桃仁紅花而以大承氣湯五苓散立効散八正散石葦散四物湯選用若中焦脾熱宜用黃連虛者白朮白茯苓葛根代之而以小承氣湯調胃承氣湯洗心散四順清涼飲桃仁承氣湯選用三焦俱熱者宜三焦湯黃大金花丸若係風熱風甚生熱者兼治風熱熱盛生風者治其熱而風自消凡頭自腫痛眩暈眼昏目赤耳聾鼻塞口燥舌乾牙宣牙腫斑疹之類皆風熱炎上之所為也初起上攻者川芎茶調散至寶丹四生丹上清丸久而下注血衰者腎氣丸加知母黃柏或當歸龍會丸四生散有痰熱者

或因痰生熱或因熱生痰凡咽痛喉閉膈噎胸痞顛狂驚悸怔忡健忘之類皆痰滯於中以生熱也宜小調中湯大調中湯有濕熱者或因濕生熱或因熱生濕凡泄瀉小便利水腫脹黃疸遺精白濁疝痛腰痛脚氣之類皆濕熱積於下所致也各因其證以治之若四肢發熱肌肉熱筋痺熱骨髓中熱乃心火鬱於脾土多因血虛而得宜柴胡升陽湯火鬱湯手足心熱施附丸病久憔悴發熱盜汗謂之五臟齊損宜養血益陰其熱自退醫不察其內之所因而妄治之鮮不至於誤人也故詳述焉

柴胡飲子

表熱裏和則發寒裏熱表和則發熱邪在半

表半裏則寒熱往來又畜熱寒戰傷寒汗下後不愈汗後勞復或中外邪熱口乾煩渴或骨蒸肺痿喘嗽俱宜用此湯

柴胡

人參

黃芩

甘草

大黃

當歸

白芍藥

各七分

右姜水煎日進三服

地骨皮散 治血中風氣體虛發渴寒熱

柴胡

地骨皮

桑白皮

枯殼

前胡

黃耆

各五分

白茯苓

五加皮

人參

甘草

桂心

白芍藥

各三分

右姜水煎

又地骨皮散

治渾身壯熱脈長而滑陽毒火熾發渴

地骨皮

白茯苓

各五分

柴胡

黃耆

生地黄

知母

各一錢

石膏 二錢

羌活

麻黃

各七分有汗二味俱不用

右姜水煎

秦艽扶羸湯

治膽肺二經虛熱及肺痿骨蒸已成勞嗽

或寒或熱聲啞不日體虛自汗四肢怠惰等證

秦艽

鱉甲

人參

當歸

半夏

紫苑

甘草

各五分

柴胡

一錢

地骨皮

七分五厘

右加烏梅姜棗水煎若係熱勞證加大黃黃芩犀角赤

芍藥桂枝兼治勞瘵

歸耆湯

治虛火上攻頭目渾身胸背發熱

當歸

一錢

黃耆

五錢

右水煎此即當歸補血湯也但分兩少差耳專治血虛

發熱

朱砂涼膈丸

治上焦虛熱肺腕咽膈有氣如烟氣

黃連

山梔仁 各一兩

人參

白茯苓

各五錢

朱砂

三錢另研

片腦

五分別研

右為細末蜜丸梧子大朱砂為衣食後熱水送六七丸

安神丸 治心經虛熱

麥門冬

馬牙硝

白茯苓

乾山藥

寒水石

甘草

各五錢

朱砂 一兩

龍腦 一字

右為末蜜丸芡實大每服一丸砂糖水化下

人參黃耆散 治脾經虛熱肌肉消瘦四肢倦怠五心煩

熱咽乾煩渴怔忡潮熱盜汗或食咳嗽膿血

人參

桔梗

各一錢

鱉甲

九肋者去裙酥炙

白茯苓

秦艽

各二錢

桑白皮

半夏

各一錢五分

紫苑

柴胡

各三錢五分

黃耆

三錢五分

知母

二分五厘

右為麤末每服三錢水煎去粗服

木香金鈴散 治暴熱心肺上喘不已

大黃

五錢

金鈴子

去核

木香

各三錢

輕粉

少許

朴硝

二錢

右為末柳白皮煎湯食後調服三四錢以利為度

妙香丸 治腎肝積熱丹溪云疏決腸胃制伏水火之劑

辰砂 水飛八兩

龍腦

膩粉

麝 各八分

牛黃 五錢

金箔 九十片研

巴豆 三百五十粒去皮心膜炒熱研如泥去油

右各細研和勻用黃蠟六兩入白礬七錢五分同煉蜜合為丸每兩作三十九丸每用一丸米飲吞下如要藥速行每丸以鍼刺一眼入冷水內浸少頃而服

青神散 治上焦虛熱消風壅化痰涎及頭目眩暈

檀香

人參

羌活

防風 各一錢

薄荷

甘草

荆芥穗 各二錢

石膏 四錢

細辛 五分

右為末每服二錢沸湯點服

牛黃散 治上焦熱而煩不能睡臥

山梔

大黃

鬱金 各五錢

甘草 二錢

右為末每服五錢水煎溫服微利則已

四生散 治肝腎風毒上攻眼赤痛痒昏花羞明眵淚下

注腿脚生瘡浸淫不愈遍身風癬血風及耳內作痒

黃耆

獨活

白蒺藜

白附子 各等分

右為細末每服二錢薄荷酒調服

言諸提綱 卷之十 發熱
梔附丸 治手足心熱神妙

梔子

香附

蒼朮

白芷

半夏

川芎 等分

右為末神麴和丸梧子大每服六十九丸白湯下

白虎湯

方見感冒寒條

敗毒散

涼膈散

方俱見温病條

清心蓮子飲

三黃湯

即三黃丸

坎離丸

十全大補湯

瀉黃散

方俱見三消條

龍腦鷄蘇丸

滋陰降火湯

方俱見吐血條

升陽益胃湯

方見惡寒條

四順飲子

方見腹痛條

加味逍遙散

腎氣丸

方俱見耳證條

洗心散

方見目證條

甘露飲

方見口臭條彼方多犀角

人參養榮湯

方見氣滯條

瀉白散

方見口舌條

導赤散

八正散

立効散

石葦散

方俱見五淋條

黃連瀉心湯

方見痞滿條

調胃承氣湯

大承氣湯

小承氣湯

方俱見傷寒條

瀉青丸

六味地黃丸

至寶丹

方俱見中風條

滋腎丸

方見五淋條

雄黃解毒丸

方見咽喉條

犀角地黃湯

方見吐血條

桃仁承氣湯

方見發黃條

五苓散

方見中暑條

四神丹

大金花丸

方俱見痰證條

川芎茶調散

方見頭痛條

上清丸

方見鼻證條

當歸龍會丸

大調中湯

小調中湯

方俱見顛狂條

柴胡升陽湯

即升陽散火湯

火鬱湯

瀉胃湯 治胃氣實熱唇口乾裂便秘煩渴睡口涎

大黃 二錢五分

葛根 一錢

桔梗

枳殼

前胡

杏仁 各五分

右姜水煎

瀉白湯 治大腸實熱腹脹不通夾臍痛飲食不化氣喘

不能久立口舌生瘡一方有白朮桂心

陳皮

竹茹

黃芩

山枝

黃栢 各五分

芒硝

白茯苓 各一錢

生地黄 三錢

右姜水煎

人參瀉肺湯 治肺經積熱上喘咳嗽胸膈脹滿痰多

便澁

人參

黃芩

梔子仁

枳殼 炒

薄荷

甘草

連翹

杏仁 去皮尖

桑白皮

大黃

桔梗 等分

右每服七錢水煎食後服

半夏湯 治膽腑實熱精神不守熱泄病

半夏麩

黃芩

軍姜 炮

酸棗仁 微炒研

遠志

白茯苓

生地黄

各八分

黍米

一合

右水煎食後服

赤茯苓湯

治膀胱實熱小便不通口苦咽腫不利

赤茯苓

猪苓

葵子

枳實

瞿麥

木通

黃芩

車前子

滑石

甘草

各等分

右姜水煎食前服

既濟清神散

益腎水降心火清上實下

桔梗

黃芩

川芎

山梔

當歸

羌活

白朮

白茯苓

各七分

知母

甘草

薄荷

各五分

右水煎入蜜二匙調勻服

地黃煎 治積熱

茯苓

知母

萎蕤

瓜蒌根

生地骨皮

各四兩

石膏

八兩

地黃汁

四碗

生姜汁

麥門冬汁

白蜜

各二碗

竹瀝

三酒盃

右以水十二碗煮煎六味至三碗去粗入竹瀝地黃麥

門冬汁慢火熬四五沸入蜜與姜汁又微火熬至六碗
磁甌收貯初服三酒盃日三夜一加至五六盃俱白湯
調下夏月用散

桔梗湯 治身熱脉洪無汗多渴者熱在上焦

桔梗

連翹

山梔

薄荷

黃芩

甘草

各等分

右為粗末加竹葉水煎若欲得汗熱服春倍防風羌活
夏倍黃芩知母季夏淫雨倍羌活秋加桂冬倍加桂
龍腦飲子 治蘊積邪熱咽喉腫痛眼赤口瘡心煩鼻衄
丹溪云上中二焦藥也

砂仁

瓜蒌根

藿香葉

二兩四錢

石膏

四兩

甘草

蜜炙六兩

梔子

微炒十二兩

右為末每服二錢至三錢新汲水入蜜調下

千金地黄丸 治心熱

黃連

四兩先為粗末

生地黄

八兩研去汁連根併二味拌勻曬乾

右為細末蜜丸梧子大每服三十丸食後門冬湯下

門冬丸 治心經熱

麥門冬 一兩

黃連

五錢

右為細末蜜丸梧子大食後熟水下三十丸

火府丹 瀉丙丁火

黃連

黃連 各一兩

生地黄 二兩

木通 三兩

右爲末蜜丸梧子大每服二三十丸臨臥溫水下按導赤散瀉丙火瀉心湯瀉丁火三方之用不同也

回金丸 伐肝經之火審虛實用之

黃連

六兩

吳茱萸 一兩

右爲末粥先

吐血第九十四

夫血之出於口也有五曰吐曰唾曰咳曰嘔曰咯出於鼻者曰衄出於小便者曰溺出於大腸者曰腸風曰臟毒皆氣血之變若心肺受邪血從口鼻上溢者爲逆腎肝受邪血從二便下流者爲順內經曰怒則氣逆甚則吐血又曰陽明厥逆喘咳身熱善驚衄吐血又曰濕淫汗出爲衄衄又曰脾移熱於肝則爲驚衄胞移熱於膀胱則癢而溺血自口鼻二便之外又有從汗孔出者謂之肌衄從舌出者謂之舌衄屬心與肝也從委中出者謂之膈衄屬腎與膀胱也從牙齒縫出者謂之牙宣牙屬於腎齒屬手足陽明

也皆血證之類也丹溪曰吐血陽盛陰虛故血不得下行因火炎上之勢而上出脉必大而芤大者發熱芤者血滯與失血也王海藏言病後因誤食冷物服涼劑而致陽氣復消餘陰再作脉退而小弦細而遲激而爲吐血衄血下而爲便血溺血色紫不鮮此重沓寒濕化毒凝泣水穀道路浸漬而成若誤用寒藥變乃生矣是知血證固多因熱亦有因寒者丹溪曰氣有餘便是火火性急暴燔灼經絡則血沸騰而錯經妄行血爲氣之依附血敗枯涸則氣失依附而發越矣然血之所以越上竅者皆因陽盛陰虛有升無降若陰盛陽虛則間有之也治之之法宜補陰抑陽

氣降則血自歸經矣故丹溪以苦甘寒散火涼血藥爲君犀角地黄湯黃連解毒湯生地苓連湯四生丸是也開鬱和氣辛藥爲臣枳椇湯二陳湯枳橘湯烏附散是也升提藥爲佐使三黃補血湯天門冬丸大阿膠丸女真丹是也酸澁藥止塞其源參栢糊狗膽丸單京墨丸或單用炒乾姜爲末童便調服善能止血降火者也甘溫藥收補其後血虛加減四物湯昏暈芎歸湯氣虛單人參湯扶脾生脉散虛甚者十全大補湯是也此皆治吐血之大槩也分而言之吐血者吐出全是血多而無聲者也內傷外感飲食勞役跌撲惱怒皆可以致之若先吐血而後見痰嗽者陰

吐血

虛火動也宜四物湯加痰火藥貝母天花粉化痰山梔牡
丹皮麥門冬降火蓋吐血火病也雖挾痰者亦宜治火則
止先嗽而後吐血者積熱也降痰爲急不可純用血藥恐
痰先痰也山梔地黃湯痰帶血者乃胃中積血熱蒸而出重
者山梔輕者藍實陽實而吐血者多因飲食辛熱傷於肺
胃宜大蘄飲子主之因酒色者葛連丸小調中湯陰盛而
吐者多因勞力傷氣其色鮮紅心腹絞痛自汗者四君子
湯加黃耆柴胡乾山藥百合前胡或連心糯米等分爲末
溫酒下大怒氣逆上衝暴甚者四物湯加蘇子陳皮沉香
童便或茅根煎湯磨沉香服之若血聚滿膈而後吐者蘇

子降氣湯加人參阿膠若暴吐紫黑成塊瘀血雖多亦不
妨碍四物湯合解毒湯調之覺胸中氣塞者桃仁承氣湯
下之五志火動熱者解鬱湯虛者保命散若勞傷氣虛挾
寒陰陽不相爲守血亦妄行乃陽虛陰必走之調也外證
必有虛冷之狀法當溫中使血者歸經若胃虛不能化食
氣逆而吐衄者理中湯加木香胃寒不能約血者甘草乾
姜湯或七氣湯加川芎自汗者小建中湯桂附湯下虛極
而氣壅喘嗽血不歸源者黑錫丹金液丹勞心過度不能
約血以致反上令人煩悶倦怠者茯苓補心湯歸脾湯思
色強力入房勞傷心腎陰虛火動者加減四物湯若勞力

血唾

血咳

傷肺唾內有血咽喉不利者鷄蘇散如心肺脉破血若湧
 泉口鼻俱出者不治唾血者鮮血隨唾而出也此出於腎
 宜滋陰降火湯若瘀血結聚致損肺氣唾中紅絲乃肺痿
 難治宜天麥門冬知母貝母桔梗黃栢熟地黃遠志或加
 乾姜咳血者嗽出痰內有血者此出於肺因熱壅以致嗽
 而帶血其病難治宜金沸草散加阿膠火升痰盛身熱者
 龍腦鷄蘇丸鷄蘇散滋陰降火湯百花膏黃連阿膠丸虛
 者二陳芎歸湯八物湯或二陳湯加嫩桂桑白皮杏仁桔
 梗知母貝母阿膠生地黃山梔嫩桂能治上焦故用愈後
 調理玄霜膏久嗽損肺而見血已成勞證其病難治宜補

血咯

肺湯加阿膠白朮或薏苡仁炒為末蘸熟猪肺食之如熱
 嗽咽痛痰帶血絲或痰中多血而色鮮者並宜金沸草散
 若服涼藥不愈非熱證也宜杏子湯之類咳血而有咽瘡者
 不治若嗽而不甚痰中帶血者屬脾經也虛者六君子湯
 加桑白皮黃芩枳殼五味子有火者加減逍遙散嘔血者
 吐出有聲而多也與吐少異出於胃也如怒氣逆甚血溢
 口鼻當抑怒全陰熱者解鬱湯虛者保命散若氣虛發熱
 咽喉痛者甘桔湯加參耆歸地荆芥黃栢水煎入童便非
 汁姜汁鬱金少許或單黃栢蜜炙為末麥門冬煎湯下若
 血虛發熱加減四物湯圭之咯血者不嗽而咯出血疙瘩

也或帶血絲如線或有血在咽而咯不出此屬肺腎真臟之傷宜四物湯加竹瀝姜汁童便青黛或聖餅子地黄膏若畜血在上閉塞清道而健忘者犀角地黄湯此治吐唾咳嘔咯五證之略也凡諸血治證又必以四物湯爲主蓋川芎血中氣藥也通肝經性味辛散能行血滯於氣也地黃^{中血}血藥也通腎經性味甘寒能補真陰之虛也當歸血中主藥也通肝經性味辛溫頭身尾分三治全用則能活血使周身之血各歸其經也佐以川芎能行血滯於氣佐以地黃能生陰分之血佐以芍藥能使脾陰生血且和腹痛芍藥陰分藥也通肝經性味酸寒能涼血治血虛腹痛

也其他輔佐之藥若桃仁紅花蘇木血竭牡丹皮者血滯所宜用也蒲黃阿膠地榆百草霜棕蘆灰者血崩所宜用也乳香沒藥五靈脂凌霄花者血痛所宜用也肉蓯蓉瑣陽牛膝枸杞子益母草夏枯草敗龜板者血虛所宜用也乳酪酥油蜂蜜阿膠者血燥所宜用也附子乾姜肉桂鹿茸者血寒所宜用也生地黄苦參者血熱所宜用也知此則四物與血藥之用自無不合於宜矣

犀角地黄湯 治上焦有熱口舌生瘡或血熱妄行或吐衄或下血及不嗽而血自來者或大便黑面色痿黃俱宜服此

烏犀角

生地黄

赤芍藥

牡丹皮

黄芩

黄連等分

右咬咀水煎温服

加減法

心經血加麥門冬黃連 肝經血加條芩

脾經血加百合白芍藥 肺經血加天門冬山梔部百

腎經血加玄參黃栢母知 三焦血加黃連地骨皮

小腸血加炒梔子木通 膽經血加柴胡淡竹葉

胃經血加大黃乾葛 大腸血加炒梔子槐花

膀胱血加牛膝茅根 心包絡血倍牡丹皮加黃芩

積熱加大黃芒硝 吐血不止加桃仁大黃

生地芩連湯 治鼻衄成流一切去血過多譫語失神閉

目撮空不知人事

生地黄

黄芩

黄連

山梔

川芎

白芍藥

桔梗

柴胡

甘草

犀角等分

右加棗一枚水煎入茅根或藕節搗汁或磨京黑調服

回生丸 治吐衄血陽乘於陰血熱妄行

荷葉

艾葉

地黄

側栢葉 俱生等分

右為細末生蜜丸彈子大如有鮮者研細為丸不必入蜜每服一丸水煎或鹽湯下

枳橘湯 治胸中氣塞短氣審在何經酌加導引藥

枳殼 一錢五分 橘皮 八錢 生姜 四錢

右水煎食遠溫服鬱甚者加姜黃少許

烏附散 治跌撲吐衄不止此藥調中快氣并心腹刺痛

烏藥 一錢 香附 二錢 甘草 三分

右為末淡鹽湯調服

三黃補血湯 治面赤善驚上熱六脉大按之虛乃手少

陰心之脉也因氣盛亡血故瀉火補氣以墜浮氣

黃耆 當歸 柴胡

熟地黄 川芎 白芍藥

生地黄 各二錢 牡丹皮 升麻 各五分

右水煎服血不止加桃仁十粒酒大黃量虛實加去麻

天門冬丸 治吐血咯血能潤肺止咳

天門冬 一兩 甘草 白茯苓

阿膠 貝母 杏仁 各五錢

右為末蜜丸梧子大時時含化

大阿膠丸 治肺虛客熱咳嗽咽乾多涎或見鮮血及勞

傷肺胃思慮傷心吐血嘔血

麥門冬

茯神

栝子仁

百部

杜仲

丹參

貝母 各五錢

遠志

人參 各二錢五分

白茯苓

乾山藥

熟地黃

阿膠

五味子 各一兩

右為末蜜丸彈子大每服一丸水煎和相服

女貞丹

治吐衄血不止

冬青子去梗葉酒浸一日夜布袋擦去粗皮晒乾為末待有旱蓮草出取數担搗汁熬濃和末為丸梧子大少

則以蜜加入每百丸空心臨臥各用白湯或酒送下久服髮白轉黑強陰不走倍膂力健腰膝老者初服夜溺即少豈惟能止諸血也

參栝糊

治九竅血如泉湧

沙參

側栝葉

各一錢五分

右為末入飛羅麩三錢水調如糊啜服

狗膽丸

治吐血不止

五靈脂為末狗膽汁為丸芡實大每用一丸姜酒化下不可漱口急用白粥亦不可太多

人參湯

治吐血咯血後宜服

人參 一兩

右為極細末五更時以鷄子清調二錢服訖即睡

扶脾生脉散 治血證後脾胃虛弱氣喘及精神短少血

血吐血不止

人參

當歸

白芍藥 各一錢

白朮

黃耆 各二錢

麥門冬

五味子

甘草 各五分

右為末食後白湯調服

山梔地黃湯 治先有痰嗽而後見血

山梔 一錢二分

生地黃

白芍藥

知母

貝母

瓜蒌 各一錢

天花粉

牡丹皮

麥門冬 各七分

右水煎服

大薊飲子 治啖辛熱傷肺而嘔血名曰肺疽

桑白皮

犀角

升麻

甘草

蒲黃

杏仁

桔梗 炒等分

大薊根 倍用

右水煎服

葛連丸 治飲酒過多胸膈蘊熱而致吐血衄血

葛花 二兩

黃連 四兩

右為末以大黄末熬膏和劑九梧子大每服一百丸温湯下或煎服亦可

解毒湯 治暴吐成塊紫血用此以合四物湯

防風 一錢 地骨皮 荆芥穗

生黃耆 白芍藥 鼠粘子炒各五分

右白水煎服

解鬱湯 治五志火動因致吐血者宜解鬱為主

柴胡 黃連 黃芩 黃耆

地骨皮 生地黃 熟地黃 白芍藥等分

右水煎服

保命散 治諸見血無寒如脉微身凉加官桂五分

生地黃 熟地黃 枸杞子

地骨皮 天門冬 黃耆

白芍藥 黃芩 甘草各一錢

右水煎服

桂附湯 治胃寒不能約血而致吐衄自汗

桂枝 白芍藥 甘草

乾姜 生附 白茯苓

桃仁各五分

右水煎服如咽痛加桔梗二分五厘

金液丹 治下元虛極氣壅喘嗽血不歸源兼治小兒吐
利日久脾胃虛損手足厥逆精神昏冒睡熟露睛口鼻
氣冷欲成慢驚或身冷脉微自汗小便不禁等証皆効
硫黃在鉄杓內融化傾入井水或麻油內後用桑柴
灰淋水洗七次換水去紅暈爲末蒸餅丸梧子大空
心服二十九米飲下

茯苓補心湯 治心氣虛耗不能藏血以至面色黃瘁五

心煩熱咳嗽吐血及婦人懷妊惡阻嘔血亦宜服之

半夏製

前胡

白茯苓

人參各七錢五分紫蘇

枳殼麩炒

桔梗

甘草炙

乾葛

陳皮各五錢

當歸

熟地黄各一兩五錢

白芍藥二兩

川芎

右咬咀每服五錢姜棗水煎

鷄蘇散 治勞傷肺經咳嗽有血

鷄蘇

黃耆

生地黄

阿膠珠

貝母

白茅根各一錢

桔梗

麥門冬

蒲黃炒黑色

甘草各五分

右水煎服

滋陰降火湯 治潮咳盜汗吐血遺精夢洩乃養血降火之聖藥也

當歸

生地黄

白芍藥

白朮 各一錢

麥門冬

甘草 各五錢

知母

黃柏

遠志

陳皮

川芎 各六分

右姜水煎溫服

龍腦鷄蘇丸 治心中鬱熱煩渴此藥能治上膈解酒毒及諸血發寒熱驚悸勞煩咳嗽又治諸淋胃熱口臭肺熱喉腥脾疽口甜膽疽口苦並皆治之

薄荷 一斤

生地黄 六兩

蒲黃

阿膠

人參

黃耆

木通

柴胡 各二兩

甘草 一兩五錢

黃連 一兩

右柴胡木通用湯半碗浸二宿取汁生地黄另為末各藥併為末煉蜜二斤先入地黄末攪勻次入柴胡木通汁慢火熬成膏和各藥為丸梧子大每服五十九嚼破熱水下虛寒煩渴驚悸人參煎湯下咳吐唾衄下血麥門冬煎湯下血淋茅花煎湯調百草霜下諸淋車前子煎湯下

百花膏 治喘嗽痰中有血虛弱人最宜服此

百合 欵冬花 等分

右為末蜜丸龍眼大每服一丸食後臨臥細嚼姜湯下
二陳芎歸湯 治虛勞少血津液內耗心火炎肺咳嗽咯
血及血不榮肌肉動輒肌表寒咳嗽

半夏 陳皮 赤茯苓

甘草 人參 阿膠

五味子 細辛 各五分 白芍藥

川芎 當歸 各一錢

右姜水煎服

玄霜膏 治吐血虛嗽

白茯苓 八兩 欵冬花 紫苑 各二兩

烏梅汁 蘿蔔汁 梨汁

柿霜 白糖 各四兩 姜汁 一兩

右茯苓為末用乳汁浸晒九次再研極細欵冬並紫苑
亦研細末同柿霜白糖及各汁加蜜四兩在砂鍋內慢
火煎熬成膏丸作彈子大臨臥時噙化一丸半月後愈

補肺湯 治肺虛咳嗽口乾作渴

明阿膠 麩炒 糯米 各一兩 馬兜鈴 五錢

鼠粘子 二錢五分 甘草 炙一錢 杏仁 七粒去皮

右爲末每服五錢水煎

杏子湯 治足陽明傷風惡食口苦咽乾腹滿微喘發熱

惡寒自汗嗜臥身重溺難潮熱而噦脉浮弦數

桂枝

白芍藥

甘草

細辛

乾姜

大黃

杏仁

半夏

五味子

白茯苓

八分

右水煎服

聖餅子 治咯血

青黛

一錢

杏仁

四十粒以黃蠟煎炒黃色

右研杏仁細入青黛捻作餅子用時以柿餅一箇破開

置餅子於柿中合定濕紙包煨連柿研細米飲調服

地黃膏

山梔仁

綠豆粉

各一錢五分

粉草

六錢

右爲末以生地黄搗杵取汁一兩五錢白蜜一兩五錢

共貯薄磁器內銅銚內隔湯煮成膏如稠糊一般候冷

入三末研勻丸如芡實每用一丸或二丸麥門冬煎水

不拘時化服

黃連解毒湯

金沸草散

方俱見感寒條

枳梗湯

方見痞滿條

二陳湯

黑錫丹

方俱見痰證條

芎歸湯

方見頭痛條

清肺生脉散 方見夏條

十全大補湯 方見三消條 四物湯

四君子湯

六君子湯 方俱見中風條 小調中湯 方見顛狂條

蘇子降氣湯 方見脚氣條

桃仁承氣湯 方見發黃條 理中湯 方見中寒條

七氣湯 方見心胃痛條

小建中湯 方見瘡疾條 歸脾湯 方見驚悸條

加味道遙散

八物湯 方俱見耳證條 甘桔湯 方見疫癘條

黃連阿膠丸 方見痢疾條

十灰散 治諸血證先以此散止之

大薊

小薊

栝葉

荷葉

茅根

茜根

大黃

山梔

牡丹皮

搜蘭

右各另燒灰存性等分研極細出火毒以藕節搗汁或蘿蔔汁磨好黑半碗食後調服五錢血勢重者服花蓋

石散

花蓋石散

五內崩損湧血多至升斗者用此散止之

花蓋石

火煨存性研極細

右用童便一鐘煎溫調末三錢甚者五錢食後服男用酒一半女用醋一半和童便可使瘀血化為黃水

全生飲 治諸血證

藕汁

梨汁

生地黄汁

吐血 雜方

韭汁

茅根汁 各一兩

刺薊汁

蘿蔔汁

白蜜

竹瀝

童便 各五錢

生姜汁 三錢

右以藕汁磨好黑二錢和各汁頻頻冷服

血餘散 治吐衄血

頭髮燒灰存性為末每服二錢米飲調下衄血以少

許吹鼻中

生地黄散 治鬱熱衄血咯血吐血但見血而無寒者俱

宜服此

生地黄

熟地黄

枸杞子

地骨皮

白芍藥

甘草

天門冬

黃芩

黃耆 等分

右每服一兩水煎若身涼惡風加桂一錢一方有柴胡

黃連

枇杷葉散 治暑毒攻心嘔吐鮮血

香薷 二錢

厚朴 一錢五分

甘草 炙

麥門冬

乾木瓜

白茅根 各一錢

枇杷葉

陳皮

丁香 各五分

右為末每服二錢姜水煎

雙荷散 治卒暴吐血

藕節 七段 乾荷頂 七個

右用蜜搗細水煎服或研末蜜調下

五神散 治熱毒上攻吐血不已

生藕 小薊汁 生地黄 各三酒

白蜜 一酒盃 生姜汁 半酒盃

右相和煎二三沸每用一酒盃調炒麩一錢食前服

是齊白朮散 治積熱吐血咳血及因飲食過度或負重

致傷脾胃吐血者最宜此

白朮 二兩 人參 白茯苓

黃耆 蜜浸各一兩 乾薊 各七錢 百合 各七錢

甘草 炙五錢 柴胡 前胡 各二錢

右咬咀每服二錢姜棗水煎

必勝散 治吐衄血

小薊 并根用 人參 蒲黃

當歸 熟地黄 川芎

烏梅肉 等分

右咬咀每服四錢水煎服

天門冬湯 治思慮傷心吐血

遠志 甘草水煮 白芍藥 天門冬

麥門冬 黃耆 藕節

阿膠 蛤粉炒

沒藥

當歸

生地黄 各五分

人參

甘草 炙各二分 五厘

右姜水煎服

側栢散 治內傷吐血不止或飲酒太過血氣妄行口鼻

皆流出如湧泉須臾不救服此即安兼治九竅出血

側栢葉 一兩五錢 蒸乾聽用 人參

荆芥穗 燒灰各 一兩

右為末每服三錢入飛羅麩三錢和勻以新汲水調服

剪草膏 治勞瘵吐血損肺及血妄行

剪草一斤淨洗為末忌見鐵器入生蜜一斤和勻磁

器盛之九蒸九曝九日乃成病人五鼓起面東不語

而坐用匙挑藥每服四兩良久以粥飯壓之藥用冷

服粥飯亦不得太熱服後或吐或下俱不妨久病肺

損咯血者一服即愈尋常咳嗽血妄行止用一兩何

妨此神授之方無緣者藥雖成而不得服醫學綱目

載之詳矣

丹枇杷葉丸 治酒色過度饑飽所傷吐血痰神效

枇杷葉

欵花

紫苑

杏仁 去皮尖双仁 鹿茸 酥炙

桑白皮

木通 各一兩

大黃 五錢

右蜜丸臨臥噙化

瓜萎犀角湯 治酒客吐血及溫疫中熱乾嘔心煩

犀角

瓜萎

蒲黃

甘草 各二兩

葛根

桑寄生 各三兩

右為粗末每服一兩水煎

東垣八味白朮散 治痰帶血吐出

白朮 一錢五分

當歸

白芍藥

牡丹皮 一錢

桃仁 研

麥門冬 各五分

梔子 七分五厘

甘草 三分生

右水煎

鷄蘇丸 治虛熱昏冒倦怠下虛上壅嗽血衄血

鷄蘇葉 八兩

黃耆

防風

荆芥 各一兩

桔梗

川芎

甘草

甘菊花

生地黄 各五錢

片腦 五分

右為末蜜丸彈子大每服一丸麥門冬煎湯化下若肺

損吐血日漸力乏喘嗽痰涎或發寒熱小便赤澁加車

前子二錢桑枝炒香煎湯嚼下

丹溪十味牡丹散 治痰中見血

牡丹皮

白朮 各一錢五分 當歸

白芍藥

桃仁 研

貝母 各一錢

山梔 炒黑

黃芩 各八分

桔梗 七分

甘草 三分

青皮 五分

右水煎

二門冬飲 治腎虛咳血

天門冬

麥門冬

知母

黃栢

桔梗

百部 各八分

牡礪 一錢

熟地黄

澤瀉

貝母 各六分

紫苑

遠志

桂 各五分

右水煎

當歸芍藥湯

當歸

白朮

白芍藥 各一錢

山梔 炒黑

牡丹皮

桃仁 各八分

青皮 五分

甘草 三分

右水煎

一凡血逆吐衄不止或用鮮地黄或藕節或梨各搗汁磨好黑徐徐嚥之或生姜蘸百草霜含嚥或荊芥燒灰米飲調服或椶灰水調服皆急止之法然後用藥調理一方治吐血以生地黄汁一升二合白膠香二兩盛於磁器入甌蒸待膠消服之神効或止服生地黄汁五合血

亦立止神効

一方治吐血咯血用乾荷葉一味焙乾為末米湯調服二錢

一方治吐血以側柏葉研細每服二錢酒調服

一方治嘔血咯血衄血以白芨為末每服二錢米飲調服

神妙

新增

加味調經湯 治怒悲傷肝不能納血致血妄行或出上

竅或出下竅或吐血及痰中見血並皆治之

生地黃汁

當歸

白芍藥 各一錢

柴胡 六分

犀角 一錢

麥門冬 去心六分

桔梗 八分

牡丹皮 七分

貝母 去心七分

天門冬 去心五分

括萎仁 七分

香附 炒六分

枳殼 炒三分

黃連 六分

山梔子 炒六分

蓮房 炒焦一錢

蒲黃 炒八分

茅花 一錢

藕節 一錢

右水煎服再加童便少許

衄血第九十五

衄血者血之出於鼻也此由肺臟所出肺竅於鼻通於腦
 血者溢於腦又行清道所以從鼻而出兼以陽明熱鬱上
 行則口鼻俱出治法與吐血同宜以犀角升麻梔子黃芩芍
 藥生地黃紫參丹參阿膠之類主之初宜黃芩湯加鬱金
 或茅花冬青子止之久宜清肺生肌散茜梅丸鬱者莎芎
 散因鼻流涕久而成衄者防風散或犀角地黃湯大熱衄
 血者用萱草根搗汁一盞半姜汁半盞和勻服凡初衄急
 用百草霜三錢水調服仍取一捻吹鼻中或用人中白末
 湯調服如吐衄太甚而不止防其昏暈以茅根燒烟將醋

者登是爾 衄血 三四

灑之使患者吸其氣入鼻中以遏其勢若頭汗出身無汗及汗出不至足者死

茜梅丸 治衄血無時

茜草根

艾葉

各一兩

烏梅肉

炒乾五錢

右為末蜜丸梧子大每服三十九烏梅湯下

莎芎散

香附 四兩

川芎 二兩

右為末每服二錢茶清下蓋香附開鬱行氣使邪火散於經絡川芎和血通肝使血歸於肝臟血歸火散其血立止

黃芩湯

即黃芩芍藥湯方見痢疾條

清肺生肺散

方見注夏條

防風散

方見鼻證條

犀角地黄湯

方見吐血條

人參飲子

治衄血

麥門冬

歸身

白芍藥

甘草 各一錢

人參

黃耆

各一錢五分

五味子 九粒

右水煎服

東垣黃耆芍藥湯

治患衄多年面黃眼澁多眵手麻

黃耆 一錢

甘草

炙五分

升麻

葛根

白芍藥

各四分

羌活

四分

右水煎温服

茜根散 治鼻衄不止

茜根

阿膠 蛤粉炒

黃芩

側柏葉

生地黄 各一錢

右姜水煎服

生地黄湯 治上熱衄血

生地黄

阿膠 各二錢

川芎

桔梗

蒲黃

生甘草 各一錢

右入生姜汁二匙水煎服

地黄飲 治衄血久不愈甚効

生地黄

熟地黄

枸杞子

地骨皮 等分

右爲末每服三錢蜜調日三服

十金散 治衄血不止

土馬鬃

背陰牆上

甘草 各二錢

黃藥子 五錢

右爲末每服二錢新汲水調下不止再服

東垣黃耆止衄湯 治衄血不愈以三稜鍼於氣衝穴上出

血後服此湯

黃耆 一錢

麥門冬

當歸

人參 各五分

生地黄 三分

五味子 十粒

右水煎服

止衄散 治氣鬱而衄

黃耆

赤茯苓

白芍藥

當歸

生地黄

阿膠

炒等分

右水煎服

一方治衄血不止以龍骨研細吹入鼻中即止

一方治鼻衄以大蚯蚓十余條搗爛新汲甜井水一鍾調勻輕則澄清飲重則併相服立愈

一方治衄不止以紙疊數層蘸冷水貼在印堂上隨用炒黑山梔火煨龍骨火煨牡蠣百草霜好黑髮灰等分為

細末以茅花水濕蘸藥塞鼻即止濕紙亦可用茅花而不蘸藥亦神効

一方治鼻衄用青蒿絞汁服之立効

一丹溪治衄諸方不効者糯米炒微黃為末新汲水調服二錢効

一方治衄血人中白為末白湯調服屢効

一方治衄血生地黄汁服數斤効

一方治衄血以蛙竹末米飲調服

一方治衄血山梔仁存性為末嗜鼻立愈

一方治久衄以生姜杵碎齧額上一日如痒搔之不再發

一治衄以蒜一頭搗爛作餅如錢厚如豆大隨左右貼脚心

一法治衄以線繫扎中指中節左鼻扎右右鼻扎左

一法治產婦口鼻有黑氣起名胃絕肺敗急取紅線一條及產婦頂心髮二條繫繫中指節則止

一法治產婦中風鼻衄以荊芥爲末童便調下神效

新增

龍骨止血散 治衄血不止極效

龍骨

不拘多少火煨數次

山梔子

炒焦灰存性

右各等分研爲極細末用小竹筒吹入鼻中即止

溺血第九十六

溺血者血從小便出也乃膀胱所致丹溪云小便出血不痛者心移熱於小腸故血從精竅中出也宜四物湯加黃連梔子條芩之類以瀉本經之火或加瞿麥麥門冬梔子以清之或加滑石木通大小蘄以行之或髮灰散入麝半厘淡醋湯下或單苦蕒菜散單琥珀散俱可效暴起熱者山梔一味水煎服實熱者承氣湯加當歸下之或小蘄飲子後以四物湯加山梔調之心經熱者導赤散暑熱者益元散升麻煎湯調下又虛者四物湯加山梔牛膝或單牛膝膏房勞傷精火動溺血者膠艾四物湯腎氣丸小兒絲

子丸病久虛甚者鹿角膠丸秋石固真丸金櫻膏如至痛不可忍者豆豉一撮煎湯溫服甚効然須清心靜養乃易痊可。

髮灰散 治小便溺血

髮灰

本草云髮灰能消瘀血通關格利水道破癰疽血衄丹溪云髮補陰甚捷

右研細每服二錢或醋湯或井化水調服若用茅草根

車前子煎湯調尤妙

小蘗飲子 治下焦結熱血淋

生地黃

小蘗

滑石

通草

淡竹葉 七斤

蒲黃

各七分

藕節 二錢

當歸

酒浸一錢

梔子

炒八分

甘草 炙三分

右水煎空心服

膠艾四物湯

治房勞傷精火動溺血

阿膠

艾葉

當歸

川芎

甘草

白芍藥

熟地黃

各八分

右水煎各半盞空心服

鹿角膠丸

治房室勞傷小便溺血

鹿角膠

沒藥

油頭髮灰

各三錢

右為末茅根汁糊丸梧子大每服五十九丸鹽湯下

秋石固真丸 治虛損溺血

秋石

白茯苓

各四兩

石蓮肉

芡實

各三兩

右為末棗肉丸梧子大每服三十九丸鹽酒鹽湯下

金櫻膏 治房勞溺血此膏能養精益腎活血駐顏

金櫻子經霜後手摘先杵去刺勿令傷損以竹刀切

作兩片刮去腹內子毛用水洗過搗爛入砂鍋內慢

火煎半日濾担再熬如飴每服一匙酒調服

四物湯

方見中風條

承氣湯

方見傷寒條

導赤散

方見五淋條

益元散

方見中暑條

腎氣丸

方見耳證條

小兒絲子丸

方見夢遺條

玉屑膏 治溺血并五淋砂石疼痛不可忍受者

人參

黃耆

等分

右研極細末用白蜜二兩大蘿蔔切一指厚三指大五

片浸於蜜中頃時取出炙乾又蘸又炙蜜盡為止但勿

令焦蘸二味吃以鹽湯送下

丹二物散

治下焦熱結血淋

小薊根

琥珀

右二味為末水煎服

方雜

者登是岡

卷之七

易

二葉飲 治溺血

車前草葉

金陵草葉

俗名墨斗草

右取二葉汁一盞空腹飲之立止

姜黃飲 治溺血

生姜汁

生地黄汁

各一合

右二汁相合頓服即瘥

一方治溺血以四物湯加車前子木通煎調玄明粉三錢空服一劑即止

一方治孕婦溺血以阿膠炒黃為散食前粥飲調下二錢即止

新增

加味五苓散 治小便溺血極効

柴胡

青升麻

山梔子

黃芩 各七分

瞿麥 一錢

牛膝 七分

滑石 研細一錢

白朮

茯苓

猪苓

澤瀉

黃連

藕根 一錢

右水二鍾煎五沸去渣溫服

便血第九十七

便血者血自大便而出也登廁未解而血先至者謂之近血自大腸氣分來也其色鮮由於外感名曰腸風已解而血後至者謂之遠血自小腸血分來也其色黯由於內傷名曰臟毒先後俱有血者氣血俱受傷也其因由於七情六淫飲食不節起居不時或坐臥濕地或醉飽行房或生冷停寒或酒麪積熱以至榮血失道滲入大腸所致內經曰結陰者便血一升再結二升三結三升蓋邪犯五臟則三陰脈絡不和結聚不得外行血無所稟滲入腸間宜用平胃地榆湯主之黃帝鍼經曰陽絡傷則血外溢而吐衄

陰絡傷則血內溢而便溺若大便下血初起宜用當歸和血湯涼血地黃湯黃連阿膠丸加味槐角丸通用四物湯祛風加栝葉防風荆芥秦艽槐花蝟皮黃芩地榆枳殼甘草久者加升麻柴胡解毒加槐花栝葉荆芥芩連如因於風者色必青或純下清血實者人參敗毒散加槐花荆芥虛者不換金正氣散久虛者胃風湯樗參散苦參丸結陰丹因於熱者色必鮮紅用黃連秦艽槐角升麻青黛等分水煎服酒蒸黃連丸香連丸蒼地丸龜栝丸挾風者臟頭丸暑月黃連香薷散熱甚而色黑者解毒湯合四物湯加大黃有瘀血者桃仁承氣湯脾寒者色必黯平胃散合理

中湯加葛根升麻益智仁神麩當歸地榆因於內傷飲食者腹必脹滿糞血同下平胃散加槐角枳殼當歸烏梅甘草或通玄二八丹虛者六君子湯加芎歸神麩或六神丸若先因傷風犯胃飧泄久而濕毒成癰注於大腸傳於少陰名曰腸癖其血直射而出亦有如篩四散下者此皆由於濕熱也初起亦宜當歸和血湯涼血地黃湯加木香枳榔久而色黑者濕毒甚也升陽除濕和血湯升麻補胃湯或補中益氣湯去柴陳加芩連川芎槐角枳殼若因勞傷而致元氣下陷者補中益氣湯脫肛者榆砂湯中氣虛弱者四君子湯或單人參湯加炒乾姜少許卷栝散烏荆丸

剪紅丸陽虛甚者礬附丹陰虛血弱者四物湯加乾姜龜
栢丸活龜丸腎氣丸內傷脈絡者連翹丸虛者十全大補
湯憂思怔忡不睡有汗者歸脾湯或寒熱脇痛小腹悶墜
拘急者逍遙散六君子湯加柴胡山梔或木香少許大凡
便血者必當以補脾胃調氣涼血引血歸經為大要復察
之以七情六淫無不効也

平胃地榆湯 治結陰下血

蒼朮

升麻

黑附子

各一錢

地榆 七分

白朮

陳皮

白茯苓

厚朴

葛根

各五分

甘草

乾姜

當歸

炒麴

白芍藥

益智仁

人參

各三分

右姜棗水煎食前服此溫中散寒除濕之劑也多服愈
當歸和血湯 治腸澼濕毒下血

槐花 炒

青皮

荆芥穗

熟地黄

白朮

當歸

升麻 各一錢

川芎 四分

右為細末每服三錢米飲調下

東垣涼血地黄湯 治腸澼下血

熟地黄

當歸

青皮

槐花 炒各五分

知母

黃栢 去皮炒各一錢

右水煎服

加味槐角丸 治便血初起

槐角

生地黄 各二兩

當歸

黃耆 各一兩

阿膠

川芎 各五錢

黃連

條芩

枳殼

秦艽

防風

連翹

右為末蜜丸或酒糊丸梧子大每服五十九丸漸加至七八十九丸溫酒下

樗參散 治大腸風虛飲酒飲食過度挾熱下利膿血肛

門痛不可忍日久不瘥宜服此

樗根白皮

人參 等分

右為末每服二錢空心溫酒米飲任下忌毒物

苦參丸 治腸風下血及年久痔漏

苦參 八兩

槐角 六兩

女貞實 四兩

歸尾 二兩

右為末用猪大腸三尺入藥在內兩頭扎住煮爛同枯

礬末四兩搗丸梧子大每服三十九丸米飲下忌椒

結陰丹 治結陰腸風臟毒下血等證

枳殼

葳靈仙

黃耆

陳皮

樗根皮

何首烏

荊芥穗 等分

右為末酒糊丸梧子大每服七十九米飲入醋少許送下

酒煮黃連丸 治酒毒下血

黃連 率十二兩 好酒 五升

右黃連細切銀石器盛酒煮乾焙為末糊丸梧子大每服三十九丸空心白湯送下

香連丸 治下血因熱

黃連 五兩 粉草 二兩 木香 一兩

右以連草細剉蜜水畧拌蒸良久取出晒乾再拌再蒸再晒九次後入木香為末糊丸梧子大每服五十九丸空心溫酒米飲任下

蒼地丸 治熱毒下血

蒼朮 陳皮 各三兩

黃連 各一兩五錢 連翹 黃栢 各一兩

右為末生地黃六兩搗膏為丸梧子大每服七十九白湯下

龜栢丸 治便血久而致虛腰脚軟痛及麻風瘡瘁在面

龜板 二兩 側栢葉 白芍藥 各一兩五錢

椿根皮

七錢五分 升麻

香附

各五錢

右為末粥丸梧子大每服七十九以四物湯加白朮黃連陳皮甘草生姜煎湯送下

臟頭丸

治腸風下血脫肛

槐子

一兩

牙皂

七分

黃連

四兩

糯米

一升

右為末用雄猪大腸一條去油洗淨入藥於內兩頭扎住砂鍋內煮爛搗丸梧子大每服六七十丸米飲下

六神丸

治下血因於內傷酒食及赤白痢疾

黃連

小香

枳殼

白茯苓

神麩

麥芽

等分

右為末神麩糊丸梧子大每服五十九赤痢甘草煎湯下白痢乾姜煎湯下赤白痢甘草姜煎湯下此治痢之妙藥也

升陽除濕和血湯

治濕毒下血如箭

牡丹皮

生甘草

各五錢

炙甘草

黃耆

各一錢

當歸

熟地黃

蒼朮

秦艽

肉桂

各三分

陳皮

升麻

白芍藥

各一錢五分

右水煎空心熱服

升麻補胃湯 治陽明下血腹中不痛血色紫黑散漫如
錦此屬濕毒也

白芍藥 八分

升麻

羌活

黃耆 各五分

生地黄

熟地黄

獨活

牡丹皮

炙甘草

柴胡

防風 各二分五厘

當歸身

芎藭根

各一分五厘

肉桂

少許

右以煎食前稍熱服

榆砂湯

治結陰便血不止漸漸及多者宜服

皂榆

四錢

砂仁

七粒

生甘草

一分錢五

炙甘草

一錢

右水煎溫服

卷栢散

治臟毒

卷栢葉

焙乾

黃耆

各一兩

右為末每服二錢米飲調服

剪紅丸

治臟腑虛寒下血不止面色痿黃日久羸瘦

側栢葉

炒黃

鹿茸

燎去毛

附子

去皮臍炮

川續斷

酒浸

黃耆

阿膠

蛤粉炒

白礬

枯五錢

當歸

酒浸各一兩

右為末醋煮米糊丸梧子大每服七十丸空心米飲下

礬附丹 治陽虛腸風下血當日立止一月除根久服助
下元除風氣益臟腑

青礬

四兩瓦礬盛火煨冷入鹽一合

琉黃

一兩煨食項候冷取出

附子

各一兩

右為末粟米粥丸梧子大每服三十九空心生地黃汁

活龜丸 大能扶衰益弱補陰壯陽又治腸風痔漏

大龜

用柴火燒熱地以罩蓋龜於熱地上逼出臭屁待盡以草繩包縛外固黃泥封固灰火中煨熟

取出剝肉細研殼用牛骨髓塗五七次浸透為末

黃連

一兩九蒸九晒

歸尾

三錢三分

右二味為末和龜肉搗丸梧子大每服四五十丸白湯

連殼丸 治內傷經絡下血

黃連

枳殼

等分

右用槐花拌炒去槐花為末蒸餅丸梧子大每服五十丸食前白湯下

黃連阿膠丸

解毒湯

方俱見吐血條

四物湯

六君子湯

四君子湯

方俱見中風條

人參敗毒散

方見溫病條

不換金正氣散

方見疫癘條

胃化湯

方見泄瀉條

黃連香薷散

方見中暑條

桃仁承氣湯

方見發黃條

平胃散

補中益氣湯

方俱見脾胃條

理中湯

方見中寒條

通玄二八丹

方見聚積條

烏荊丸

方見頭痛條

腎氣丸

方見耳證條

十全大補湯

方見三消條

歸脾湯

方見驚悸條

逍遙散

方見顛狂條

景仲黃土湯 治遠血

灶中黃土 半升

甘草

熟地黃

白朮

附子 炮

阿膠

黃芩 各三兩

右用水八升煮取三升分二服

赤小豆散 治近血

赤小豆 五兩發芽晒乾

當歸 一兩

右為末漿水調每服二錢日三服

麩藥散 治酒積糞後血

神麩 一兩五錢

白酒藥 一兩

右同為細末捻作餅子慢火土炙黃復研極細每服二錢白湯調下亦治酒積泄瀉俱神效

六烟散 治遠血

當歸

枳殼

側柏葉

陳槐花子

百草霜

白芍藥

右剉碎一處炒令烟微起為末每服二錢空心温酒調下日午食前米湯下甚妙

四灰散 治近血

核桃殼

繭退

皮鞋底

紅鷄冠花 等分

右燒灰為末每服一錢空心溫酒下

玉屑丸 治腸風瀉血久不止

椿根白皮 四兩

樗根白皮

苦練根 各三兩三味俱宜冬月收

天南星

半夏 各五錢俱生用

葳靈仙 一兩

寒食麩 三兩

右為末滴水丸梧子大以水一盞煎沸下三十九丸煮令

浮起以匙抄取食前溫湯吞下不可嚼破下血盈盆者

三服而愈

椿皮散 治腸風下血及血痢

樗根白皮 二兩

槐角仁 二兩

枯白礬 二兩

炙甘草 一兩

右為細末每服三錢清米飲下神効

東垣烏梅丸 治腸風下血服之甚効

烏梅肉 焙乾 真姜蘇 各一兩

右為末糊丸梧子大每服百丸白湯下二日三服

東垣加減四物湯 治腸風下血

側柏葉

生地黃

當歸

川芎 各欠分

枳殼 麩炒

荊芥穗

槐花 炒

甘草 炙各四分

條芩

地榆

防風 各六分

烏梅 一枚

右水煎一方無黃芩地榆防風

黑玉丹。治腸風積熱下血不止

刺蝟皮 二斤

懸猪蹄 一百個

亂髮 皂角水浸洗

芝蔴 四兩

敗櫻 各八兩

苦練根 五兩

雷丸

牛角腮 剉十二兩

右各剉碎入磁罐內燒存性研為細末另用乳香二兩

麝香八錢研末和勻酒糊作丸梧子大每服二十九先

細嚼核桃肉一枚以塩同吞下多服得効

烏白丸 治腸風下血服之立止

烏梅肉 燒存性

白芷

百草霜 等分

右為末糊丸梧子大每服五十九空心米湯下

卷栢丸 治臟毒下血神効

卷栢 石上生者取葉

右為末糊丸梧子大每服二錢空心米飲送下

一丹溪治臟毒下血取車前草連根一握生姜一小塊新

水研碎去粗候血欲下時腰間必覺重便服此藥一盞

坐少頃漸覺冷下腹中而後登廁已不見血矣甚者不

過再服

一方治久近腸風枳殼燒存性五錢羊脛炭二錢和勻再

研用濃米飲五更調下一服約人行五里之又再用一服立効

一方治腸風以石榴皮為末煎茄子湯調服一錢立効

一方治臟毒艾葉為末生姜汁煎服一錢効

一方治腸風以山裏棗俗名鼻涕圍又名酸棗取乾者為

末每服二錢白湯調下雖諸藥不効者應手而安

一方治下血不止以五靈脂炒去火毒每服二錢白湯調下

新增

加味消風如聖散 治男婦大腸風火下血等證

荆芥

防風

槐花

秦艽

枳殼

生地黄

檳榔

條黃芩

木通

黃連 各八分

百藥煎 炒焦灰存性七分

烏梅 五個燒灰存性研細七分

當歸

芍藥

川芎 各八分

右水煎空心服

雜血第九十八

雜血者謂九竅血出眼耳口鼻二便也肌衄者血從汗孔而出也舌衄者舌上無故出血也耳血者耳中出血也牙宣者血從齒縫中出也腦血者血從委中穴出也其因已叙吐血論中治標之法附載錄中用者擇焉

五竅
出血

凡榮衛大虛或恚怒失節或驚忿過度甚而氣逆血溢故致九竅流出而喘咳上氣其脉數發熱不得臥者死

一方孫真人治九竅出血以荆葉搗取汁酒半盞和服

一方朱丹溪治九竅出血以刺薊一握搗取汁和酒服如

無鮮者以乾者為末冷水調服三盞

血肌

肝藏血心之液為汗心肝俱受邪故血從膚腠而出婦人產蓐多有此證治宜調氣血密腠理古方取葎草搗汁二升醋二合和勻空腹飲一盞此草俗名葛勒蔓葉似葎麻而小薄有細刺花黃子白如麻子蓋治標之方也必治其本而後可愈

舌

文蛤散 治熱壅於上出血如泉方見口舌條

一治舌上忽出血如簪孔煎香薷汁一日服三次舌上無故出血用炒槐花研抹搽又髮灰二錢米醋二合調服或敷舌上出血處又以蒲黃搽耳中出血以龍骨末吹入即止

血耳

宣牙

牙宣之因不一有厥陰風壅者宜消風散擦之有少陰腎虛者宜三因安腎丸及用黑錫丹陰虛牙出鮮血氣鬱者加味四物湯陽明胃熱者清胃散若牙齒巖腫悶宣露出血者用梧桐淚散塗貼尋常牙齒縫出血以香附散擦之或用姜鹽炒香附米黑色搽尤妙

消風散

三因安腎丸

加味四物湯

清胃散

梧桐淚散

香附散

方俱見齒證條

黑錫丹

方見痰證條

一方治無故牙動牙宣出血以香附米姜汁內浸一宿晒乾為末漱口擦齒白而且堅血亦止矣

一方治牙縫出血以楊梅樹皮煎濃湯嗽而不噤神妙

一方治滿口齒中出血以枸杞煎湯漱

一方治齒間出血不止苦竹茹醋浸一宿含之

一方治牙血以香附米白芷大黃燒灰同青鹽和勻擦之

一方治牙疼齒縫出血不止兼之口臭以太蓮蓬米泔浸

軟大生地黃各切薄片相合貼所患牙上一夜即愈忌講話

腮中疔間有之證也昔呂滄洲治一人偶搔腮中瘡破出

血如泉竟日不止二尺脉如絲他部皆無當益榮血以

瀉陰火先用四物湯加防風荆芥蓮蓬數服其脉漸出

後服十全大補湯而愈

虛損第九十九

人之溺於七情侵於六氣固不能無病也病至於虛而無

所損傷猶可復也虛而至於虧損尚可補益惟虛久而傷

壞至極真元已損自非醫者用劑之確患者守戒之堅鮮

不至於危殆矣故醫家所難治者最是虛損證者其名有

五勞七傷六極之別所謂五勞者心肝脾肺腎之五臟也

如曲運神機則心勞其證則面無榮色驚惕怔忡盜汗自

汗心煩熱悶口苦生瘡咯血面赤脉洪而數宜以四物湯

加知母黃柏五味子天門冬麥門冬茯神胡黃連蓮心遠

志菖蒲朱砂之類治之盡力謀慮則肝勞其證筋骨拘攣

勞心勞五

勞肝

勞脾

脇痛目赤面赤頰紅遇事多怒虛陽不斂夢與鬼交甚則
 如縮筋急脉弦而數宜以四物湯加竹茹草龍膽柴胡黃
 芩竹葉青皮之類治之意外思慮則脾勞其證面色痿黃
 脹滿少食唇脣焦燥飲食無味腹痛腸鳴有時瀉利四肢
 倦怠脉虛濡而數宜以四君子湯加酒炒白芍藥蓮肉薏
 苡仁白扁豆乾山藥猪苓澤瀉之類治之預事而憂則肺
 勞其證心腹冷而氣乏胸背疼痛咳嗽喘促時吐痰沫鼻
 塞聲重皮膚枯燥或衄血嗽血脉微虛而瀉數宜以四物
 湯加沙參麥門冬五味子知母貝母桔梗桑白皮地骨皮
 款冬花紫苑馬兜鈴之類煎入童便竹瀝姜汁韭汁治之

勞肺

勞腎

虛損 雜證

預持志節則腎勞其證足脛酸疼腰背拘急遺精白濁面
 色黧黑耳輪焦枯脉沉而細宜以四物湯加知母黃柏五
 味子麥門冬天門冬澤瀉杜仲肉桂之類煎入童便韭汁
 竹瀝治之此五勞證治之大槩輕者五證間作重則五證
 相兼察其所屬何經於前方中斟酌損益庶得病之機也
 丹溪曰勞極之證五臟必歸重於一竊謂病雖重於一臟
 然必求其本以治之乃能拔本塞源也若勞熱宜清骨散
 內熱宜保真湯晡熱宜黃耆鱉甲湯勞血咯血宜太平丸
 嗽血咳血宜保和湯去血過多者三黃補血湯血不止者
 石灰散花蓋石散勞嗽乾嗽人參潤肺丸保和湯太平丸

寧肺湯肺痿知母茯苓湯肺癰桔梗湯白芨散勞泄白朮膏八珍湯腎氣丸勞汗黃耆散古方稱此爲蒸病故有加減五蒸湯因外候以察內證如毛折髮焦肌膚甲錯其蒸在皮外熱內寒身振肉潤其蒸在肉髮焦鼻衄或復溺血其蒸在血身熱煩燥痛如鍼刺其蒸在脉爪甲焦枯眼昏脇痛其蒸在髓頭眩熱悶涎濁駭淚其蒸在腦男子失精女人白濁其蒸在玉房乍寒乍熱中脘煩悶其蒸在三焦小便赤黃凝濁如膏其蒸在膀胱大便秘泄腹中雷鳴其蒸在小腸大腹隱痛口舌乾疼其蒸在大腸口鼻乾燥腹脹自汗睡臥不安其蒸在胃口苦耳聾兩脇下痛其蒸在

膽裏急後重肛門必澁其蒸在廣腸小腹疝痛筋脉縱緩陰器自強其蒸在宗筋眩暈下淚躁怒不常其蒸在肝舌黑氣短煩悶灑淅其蒸在心唇乾口瘡胸腹脹悶畏寒不食其蒸在脾咳嗽喘滿咯痰吐血聲嘶音啞其蒸在肺耳輪焦枯脚氣酸痛其蒸在腎情想不寧精物時下其蒸在右腎心膈噎塞攻擊疼痛俛仰煩寃其蒸在膈此證蟲多嚙心肺治宜急絕其根若至漸瘦乃陰火消爍丹溪謂其爲積熱而成始可用張子和法虛弱者四物湯加炒栢知母童便姜汁竹瀝虛甚者加參朮若暴損氣虛有汗潮熱者補中益氣湯無汗潮熱者人參清肌散暴損血虛有汗

潮熱者人參養榮湯無汗潮熱者茯苓補心湯暴脫血者
益胃升陽湯潮汗痰嗽者黃耆益損湯加半夏大病後食
減盜汗者參苓白朮散加黃耆當歸凡虛脈多弦濡大而
無力者爲氣虛沉微無力者爲氣虛之甚弦微爲血虛澹
而微爲血虛之甚寸微尺大而緊者爲血虛有火多汗若
係陰虛者四物湯二宜丸腎氣丸火動外潮者四物湯加
知母黃柏或滋陰降火湯加味逍遙散補陰丸火燥甚者
大補陰丸天門冬膏陽虛者四君子湯保元湯火衰中寒
身冷者鹿茸大補湯菴蓉散加減內固丸三仙丹溫腎丸
膈膈補天丸斑龍丸陰陽俱虛者八物湯固真飲子人參

五臟
虛損

養榮湯或十全大補湯加菴蓉附子半夏麥門冬或八味
丸有火者二至丸異類有情丸心虛者則驚悸恍惚憂煩
少色舌強宜人參固本丸天王補心丹朱子讀書丸養榮
湯之類以益其心血肝虛者目昏筋脈拘攣面青恐懼如
人將捕已之狀宜天麻丸鹿茸四斤丸牛膝益中湯之類
以養助其筋脈脾虛者面黃肌瘦吐利清冷腹脹腸鳴四
肢無力飲食無味宜參苓白朮散橘皮煎丸蒼朮丸白朮
膏參苓造化糕之類以調其飲食肺虛者呼吸少氣喘乏
咳嗽喘乾宜人參膏五味子膏以調其氣腎虛者腰背脊
膝厥逆而痛神困耳鳴小便頻數精漏宜小兒絲子丸玄

五臟 邪熱

兔固本丸三味安腎丸太極丸八味丸去附子加五味子
鹿茸用山藥糊為丸以生其精若五臟有邪熱俱以三白
湯為主察其見證加減如心勞邪熱則脇痛關格不通加
黃芩防風當歸龍膽草赤芍藥脾勞邪熱則氣急肌痺多
汗加山梔石斛升麻肺勞邪熱則氣喘面腫口燥咽乾加
知母桑白皮秦艽葶藶腎勞邪熱則溺赤陰瘡耳鳴溲閉
加玄參赤茯苓車前子生地黃但挾氣者交感丹若乍虛
而夢遺者桂枝加龍骨牡蠣湯四肢煩熱酸疼心悸腹痛
者小建中湯汗多力少筋骨拘急者黃耆建中湯汗多脉
暴結者炙甘草湯此皆病之乍起未至於甚者苟醫家用

色欲 致病

藥合宜患者謹守禁戒臻効何難惟昧者不察氣血陰陽
之孰虛與夫病之所屬何臟則藥必不能投證患者復恣
肆情欲由虛至損害斯甚矣若其病起於色慾過度損傷
精血而致陰虛火動睡中盜汗午後發熱哈哈咳嗽倦怠
無力飲食少進甚則痰涎帶血或咯唾出血或咳血吐血
衄血身熱而脉沉數甚而至於肉削沉困尺脉沉而細數
則難治矣但在初覺潮熱盜汗咳嗽倦怠之時便用王節
齋虛損主方如法加減十保八九或先見血證吐衄火盛
者宜先治血輕少者用涼血止血之劑盛大者胸膈必有
瘀積宜先消其瘀而後止血涼血照葛可久十藥神書方

次第檢用血止而後照證治之所謂六極者有謂心極則心痛咽腫肝極則頭目昏暈脾極則吐瀉肉削四肢倦怠關節肩背強痛肺極則毛焦精枯咳嗽閏熱腎極則面垢脊痛若臟腑俱虛視聽已衰行步不正精濁莖弱核小謂之精極有謂筋脉肉氣精骨之病者爲六極又有謂觸風寒暑濕燥火卽病之重而不可救爲六極先哲殊無定指要之乃五勞之甚爲言也所謂七傷者內經謂久視則血傷久臥則氣傷久坐則肉傷久立則骨傷久行則肝傷思慮則心傷房勞則腎傷是皆傷之於形也有謂由於喜怒憂思悲恐驚者是皆傷之於氣也要之七傷爲五勞之始

六極爲五勞之甚惟以五勞證治推擴其法自符合病機也然病之始作必本於虛故思慮色慾之傷於心腎則陰血虛勞役饑飽之傷於脾胃則陽氣虛氣血旣虛諸病斯作治法已詳於上文矣若不慎於病之始作而至體虛益甚邪氣易襲故感寒則損陽感熱則損陰虛損之名所由起也損陽則陽虛陰盛故損自上而下一損於肺則皮聚毛落二損於心則血脉虛少不榮臟腑婦人則月水不通三損於胃則飲食不爲肌膚治宜以辛甘淡過於胃則不可治矣損陰則陰虛陽盛故損自下而上一損於腎則骨痿不能起二損於肝則筋緩不能自收持三損於脾則飲

食不能消尅治宜以苦酸鹹過於脾則不可治矣凡損從上而下者至骨痠不能起者死損從下而上者至皮聚毛落者死治之法損其脉者益其氣四君子湯是也損其心者調其榮衛八物湯是也損其脾者調其飲食十全大補湯是也損其肝者緩其中牛膝丸是也損其腎者益其精金剛丸是也若飲食不能消尅宜益精緩中消穀則用煨腎丸治此者但審初起證候而別陽虛陰虛復察見今證候而知二損三損若過於脾過於胃是卽五勞而至六極能生全者十無二三明理之醫必不可強圖僥倖及招病家之怨也然致損之因匪直思慮色慾勞役饑飽已也內

經曰驚而奪精汗出於心則損脉疾走恐懼汗出於肝則損筋搖體勞苦汗出於脾則損肉飲食飽甚汗出於胃則損氣持重遠行汗出於腎則損骨此直損臟腑之病雖非自上損下自下損上之比若調攝不善皆可以至極機要曰心肺損而色憊汗多者爲陽虛腎肝損而形痿汗多者爲陰虛東垣曰勞則氣耗勞則喘且汗出內外皆越故氣耗矣喜怒不節起居不時有所勞傷皆損其氣氣衰則火旺火旺則乘其脾土脾主四肢故因熱無氣以動懶於言語動作喘乏表熱自汗心煩不安宜安心靜坐以養其氣以甘寒瀉其火熱以酸味收其散氣以甘溫補其中氣經

言說抄錄 卷之十 虛損 六十一
曰勞者溫之損者溫之黃耆建中湯是也然體虛之人易感邪氣察有外邪先須和解或微利之從其緩而治之次則調之昧者不知外邪未除便行補劑使邪氣反入經絡或用灼艾益燥其水水得熱則愈涸而助火所以痰嗽潮熱煩渴喜冷以至失音而猶峻補不已卒至於死何啻千百此又治虛勞之深戒也大抵虛而至損其病也深成之者非一朝一夕治之者必徐退漸減若求速効必至反傷若患者不知禁戒雖有和扁將安濟哉

清骨散 治男婦五心發熱欲成勞瘵

生地黃 人參 防風

熟地黃 柴胡 薄荷葉

秦艽 赤茯苓 胡黃連 等分

右水煎服

保真湯 治勞證體虛骨蒸服之神効

當歸 生地黃 白朮

黃耆 人參 各三錢 蓮心

赤茯苓 白茯苓 各五分 天門冬

麥門冬 陳皮 白芍藥

知母 黃柏 炒 五味子

柴胡 地骨皮 熟地黃

赤芍藥

甘草 各一錢五分

右姜棗水煎食後服

加減法

驚悸加茯神遠志栝子仁酸棗仁

盜汗加炒浮麥牡礪黃耆麻黃根

淋濁加萆薢台烏猪苓澤瀉

遺精加龍骨牡礪蓮蕊蓮肉

洩瀉加木通石葦扁蓄

燥熱加滑石石膏青蒿鱉甲

黃耆鱉甲湯 治虛勞客熱肌肉消瘦四肢煩熱心悸盜

汗減食多渴咳嗽有血

鱉甲 去裙醋炙

天門冬 各一錢

知母 焙

黃耆

赤芍藥 各七分

地骨皮

白茯苓

秦艽

柴胡 各六分

桑白皮

半夏 湯泡七次

紫苑

甘草 炙各五分

人參

肉桂

桔梗 各三分

生乾地黄 浸焙六分

右水煎服

保和湯 治勞嗽肺成痿者服之必効

知母

貝母

天門冬

欵冬花 各三錢

麥門冬

天花粉

薏苡仁

杏仁

五味子 各二錢

粉草

馬兜鈴

紫苑

百合

桔梗

阿膠 炒成珠

當歸

生地黄

紫蘇

薄荷 各五分

一方無生地有百部

右姜水煎入飴一匙服每日三服俱在食後

加減法

血盛加蒲黃茜根藕節大小蘆茅花

痰盛加南星半夏橘紅茯苓枳殼枳實瓜蒌實炒

喘盛加桑白皮陳皮大腹皮蘿蔔子葶藶蘇子

熱盛加炒山梔黃連黃芩黃芩連翹

風盛加防風荆芥金沸草甘菊花細辛香附

寒盛加人參白芍藥桂皮五味子蠟片

人參潤肺丸 治肺虛咳嗽喘急日久成勞

人參

欵冬花

細辛

甘草

杏仁 各四兩

官桂

桔梗 各五兩

知母 六兩

右為末蜜丸芡實大食後細嚼淡姜湯下

寧肺湯 治榮衛俱虛發熱自汗肺氣喘急咳嗽痰喘

人參

當歸

白朮

熟地黄

川芎

白芍藥

甘草 炙

五味子

麥門冬

桑白皮

白茯苓 各八分

阿膠珠 一錢六分

右姜水煎食後服

白芨散 治久嗽成痿咯血紅痰

白芨

右為末每服二錢臨臥糯米飲調服

白朮膏 治一切脾胃不和飲食無味泄瀉等證

白朮 一斤

陳皮 四兩

右俱切片入砂鍋用水浮藥一指煎至一半濾粗另用

水煎三次去粗將汁濾淨慢火再熬成膏收貯每早以

白湯點服

黃耆散 治咳血成勞

黃耆

麥門冬

熟地黄

桔梗

白芍藥 各一錢

甘草 八分

右水煎服

加減五蒸湯

人參

知母

黃芩 各一錢

竹葉 七斤

生地黄

乾葛 各一錢五分

白茯苓 一錢

炙甘草 五分

石膏 二錢五分

粳米 一合

右先用小麥二合水三盞煎至二盞去麥入藥煎服
臟腑各蒸加減法

實熱加黃芩黃柏黃連大黃

虛熱加烏梅秦艽柴胡蛤蚧牡丹皮青蒿鱉甲

肺蒸則鼻乾加烏梅天門冬麥門冬紫苑

大腸蒸則右鼻孔乾痛加大黃芒硝

皮蒸則舌白吐血加石膏桑白皮

膚蒸則昏冒嗜臥加牡丹皮

心蒸則舌乾加黃連生地黃

小腸蒸則下唇焦加赤茯苓生地黃木通

氣蒸則鼻乾喘促遍身氣熱加人參黃芩梔子

血蒸則髮焦加生地黃當歸桂心童便

脉蒸則唾白浪語脉絡溢緩急不調加當歸生地黃

脾蒸則唇焦加白芍藥木瓜苦參

胃蒸則舌下痛加石膏粳米大黃芒硝乾葛

肉蒸則食無味而嘔煩燥不安加白芍藥

肝蒸則眼黑加川芎當歸前胡

膽蒸則眼色白加柴胡瓜蒌

筋蒸則甲焦加當歸川芎

三焦蒸則乍熱乍寒加石膏竹葉

腎蒸則兩耳焦加生地黄寒水石石膏知母

膀胱蒸則右耳焦加澤瀉茯苓滑石

腦蒸則頭眩熱悶加生地防風羌活

骨蒸則齒黑腰痛足逆疳蟲蝕臟加鱉甲地骨皮牡丹皮生地黃當歸

髓蒸則髓枯骨中熱加生地黄當歸天門冬

腎蒸則肢細跌腫臟腑皆熱加石膏黃柏

胞蒸則小便黃赤加澤瀉茯苓生地黄滑石沉香

凡此諸證皆熱病後食肥甘油膩房事飲酒犯之而

成若久蒸不除變成疴病則難治矣

人參清肌散 治男婦氣虛無汗潮熱

人參 白朮 曰茯苓

赤芍藥 當歸 柴胡

半夏麩 葛根 甘草 等分 減半

右姜棗水煎服

益胃升陽湯 治婦人經後不調或血脫或脉弱食少水

泄每日二三行

即雜中益氣湯加神麩一錢五分黃芩五分腹痛加

白芍藥此氣血之藥血脫益氣之法也 補中益氣湯方見脾胃條

黃耆益損湯 治虛損潮熱 汗痰嗽

白芍藥 一錢五分 石斛

當歸

川芎

黃耆

白朮

各一錢五分

五味子 五分

官桂

熟地黃

半夏

甘草

木香

各三分

右姜棗水煎有熱加柴胡

三宜丸 補腎益陰添髓

歸身

生地黃

各三分

右酒蒸七次和煉蜜搗丸梧子大每服七十丸空心

酒下

補陰丸 論曰人之一身陰常不足陽常有餘况節慾者

少嗜慾者多積血既虧相火必旺火旺則陰愈消而勞

瘵咳嗽咯血等證作矣故宜常補其陰使與陽齊則水

能制火水升火降斯無病矣丹溪發明補陰之說謂專

補左尺腎水也古方滋補藥皆兼補右尺相火殊不知

左尺原虛右尺原旺若左右平補依舊火勝於水只補

其左制其右庶得水火俱平也右尺相火固不可衰若

果相火衰者方宜補火但世之人火旺而致病者十居

八九火衰成疾者十無二三且人在少年腎水正旺似

不必補然慾心正熾妄用大過安得無虧至於中年慾

心雖減而少年斲喪亦難復實及至暮年天真漸竭只

有孤陽故補陰之藥自少至老不可缺也丹溪發明其旨以正千載之訛其功不亦偉乎

熟地黄

酒拌蒸忌鐵器五兩

黃柏

酒拌炒褐色

知母

酒拌炒忌鐵器

敗龜板

酥炙透各三兩

瑣陽

酥炙乾

枸杞子

甘州者佳

白芍藥

酒炒

天門冬

各二兩

五味子

一兩

乾姜

炒黑色三錢寒月加至五錢或易肉桂引諸藥入腎為從治也

右為細末煉蜜入猪脊骨髓二條和藥末杵極勻丸梧子大每服八九十九空心淡鹽湯下寒月用溫酒

加減法

夢遺精滑加牡礪童便煨七次

白朮

各一兩

椿根白皮

炒山茱

芎

各七錢

赤白濁加白朮白茯苓

各二兩五錢

山梔仁

炒黃連

炒各五錢軟

弱無力加牛膝

酒洗虎脛骨

酥炙各二兩

防已

酒浸木瓜

各五錢疝

氣加蒼朮

鹽炒一兩五錢

黃連

姜汁炒

山梔仁

炒各六錢

川芎

一兩吳茱

萸炒青皮

去穢各五錢

脾胃虛弱畏寒易泄者加白朮

三兩陳皮

一兩乾姜

炒七錢眼

目昏暗加當歸

酒洗

川芎菊花

各一兩

柴胡黃連

酒炒烏犀各五錢

錢蔓荆子防風

各三錢

氣虛之人加人參黃耆

各二兩

左尺俱虛右尺亦微命門火衰陽事不舉加黑附子

童便

浸去皮

肉桂

各七錢

沉香

五錢

大補陰丸 降陰火壯腎水之要藥

黃柏

知母 各四兩

熟地黄

龜板

各六兩

右為末猪脊髓和蜜丸梧子大每服七十丸空心鹽湯下大凡陰虛之甚者腎脉洪大非惟不受峻補雖枸杞山茱萸亦不能受非此丸不可也若去熟地黄名三味補陰丸治酒過傷少陰若去知母黃柏加玄參烏梅等分砂仁炒黑乾姜各五錢又善治陰虛中寒外熱內泄天門冬膏 治咳嗽失血潤五臟殺三蟲伏尸除瘟疫輕身益氣令人不飢又能去積聚風痰補肺

天門冬水煎減半取出搗爛再煎入蜜熬滴水不散
磁瓶收貯每早滾白水或酒化一二匙服

保元湯 治慢驚風令脾土實而木不敢犯又為痘疹始終必用之藥也

黃耆

一錢五分

人參

一錢

甘草

五分

右入糯米半合水煎服

鹿茸大補湯 治男子一切虛損女人亡血等證

鹿茸

黃耆

當歸

白茯苓

熟地黄

白芍藥

白朮

附子

人參

肉桂

半夏

石斛

五味子 各三分

肉蓯蓉

杜仲 各四分

甘草 一分

右姜棗水煎空心服

菴蓉散 治腎氣虛寒陰痿腰脊痛身重脛弱聲音混濁

陽氣頓絕服之甚効

肉蓯蓉

白朮

巴戟

麥門冬

白茯苓

甘草

午膝

五味子

杜仲 各八分

車前子

乾姜 各五錢

生地黄 八兩

末每服二錢食前酒調日進三服

九固丸 治命門火衰腎寒陰痿元陽虛憊陰漏於

下陽浮於上水火不能既濟

石斛

葫蘆巴 各二兩

巴戟

肉蓯蓉

山茱萸

兔絲子 各三兩

破故紙 二兩五錢

小茴香

附子 五錢

右爲末蜜丸梧子大不拘鹽湯溫酒空心服

三仙丹 補腎與膀胱順氣搜風專治耳聾目暗久服活

血駐顏輕身烏鬚延年

川烏

一兩用鹽五錢炒裂

蒼朮

用葱一握炒黃去葱

茴香

炒各三兩

右爲末酒糊丸梧子大每服五十九丸空心鹽湯下忌諸
溫腎丸 治虛損火衰中寒身冷

巴戟 二兩

當歸

鹿茸

益智仁

杜仲

生地黄

茯神

乾山藥

兔絲子

遠志

蛇床子

續斷 各一兩

山茱萸

熟地黄 各三兩

右爲末蜜丸梧子大每服二三十丸空心溫酒下精
加鍾乳粉五味子陽道衰倍續斷精不固加龍骨牡
倍鹿茸

脘肺補天丸

治男婦亡陽失陰諸虛百損陰痿遺精健

忘女人白帶子宮虛冷惟寡婦忌用

脘肺臍 一具

人參

白茯苓

當歸 姜汁煮

川芎

枸杞子

小茴香 各一兩
五錢

白芍藥

黃耆

熟地黄

杜仲

牛膝

破故紙

川練子

遠志 各二兩

核桃肉 三兩

沉香 五錢

右各藥爲末脘肺臍用好酒在磁器內煮爛搗碎其酒
卽調糊男加知母黃柏女加香附子各一兩亦爲末和

勺丸梧子大每服六十九丸空心鹽酒下

斑龍丸 治真陰虛損此藥善理百病能養五臟補精益髓壯筋健骨益心志安魂魄悅澤駐顏延年益壽昔西蜀市中嘗有黑髮朱顏道人每大醉高歌曰尾閭不禁滄海竭九轉靈丹都漫說惟有斑龍頂上珠能補玉堂關下血卽此藥也

鹿角霜

鹿角膠 炒珠

鹿茸 切片酒炙

陽起石

火煨醋淬

附子 製

石砂 各五錢

酸棗仁 搗膏

栢子仁

肉蓯蓉

黃耆 各一兩

當歸

熟地黃

右爲末酒糊丸梧子大每服五十九丸不拘溫酒鹽湯空心服

固真飲子

治陰陽兩虛氣血不足飲食用少五心煩熱

自汗日晡潮熱精氣滑脫行步無力腰膝酸疼泄瀉脉沉弱少血痰多或乾咳或氣血精神不足體倦頭目昏脉虛數潮熱將成勞證或傷力氣虛脉弱腰背疼痛動轉鼻衄或便血過多面黃憔悴食少氣促或婦人陰虛瘦瘁食少虛熱自汗腹痛面浮腰痛赤白帶下並宜服之蓋門冬地黃雖曰滋陰久則生滯多服金石桂附助陽久則積溫成熱耗損真陰消渴痰火肺痿等證作矣

此方備五味養氣血理脾胃充腠理補五臟無寒熱之偏中年之人常宜服此

人參

乾山藥

當歸

黃耆

黃栢 各一錢

熟地黄 一錢五分

白朮

澤瀉

山茱萸

補骨脂 各五分

五味子 一粒

陳皮

白茯苓 各八分

杜仲

甘草 各七分

右水煎服

二至丸 補虛損煖腰膝壯筋骨明眼目滋陰降火神効

熟地黄

龜板

黃栢 各三兩

生地黄

山茱萸

當歸

知母 各二兩

兔絲子

肉蓯蓉

黃耆

牛膝

枸杞子

破故紙

五味子

白芍藥

虎脛骨

杜仲

乾山藥

陳皮

白茯苓

人參 各一兩

右為末蜜丸梧子大每服八十九丸鹽湯溫酒任下
異類有情丸

鹿角霜

龜板 各三兩六錢
鹿茸

虎脛骨 各二兩四錢

右爲末取雄猪脊髓九條同煉蜜搗丸梧子大每服七八十丸空心塩湯下蓋鹿屬陽龜虎屬陰血氣有情各從其類非金石草木之比也如厚味善飲之人加猪膽汁一二合

人參固本丸

生地黃

熟地黃

天門冬

麥門冬

冬三兩

人參

一兩五錢

右五味俱不犯鐵器蒸熟搗爛入煉蜜爲丸梧子大每服五十九丸不拘塩湯温酒空心服夫心主血以生精血無出於主熟二地黃天麥二門冬蓋生地黃能生精血

用天門冬引入所生之地熟地黃能補精血用麥門冬引八所補之地四味互相生引又以人參爲心氣之主使五味歸併於心立方之妙無出於此

朱子讀書丸

治心虛動悸憂煩少色舌強

茯神

遠志

人參

陳皮

石菖蒲

當歸

甘草

二錢五分

各七錢

各五錢

右爲末麩糊丸梧子大木砂爲衣每服六十九丸臨睡燈心湯下

天麻丸

治風熱養血脈行榮衛壯筋骨

天麻

牛膝

萆薢

玄參

杜仲

附子

羌活

當歸

生地黄

右為末蜜丸梧子大每服七十九病甚者百丸空心温

酒下一方加獨活五兩去腎風

鹿茸四斤丸

治肝腎虛損之極以致筋骨痿弱不能自

持起居無力足膝酸疼肌體瘦瘠血氣不生

鹿茸

肉蓯蓉

天麻

兔絲子

牛膝

熟地黄

杜仲

木瓜

右為末蜜丸梧子大每服五十九空心米湯或酒下

橘皮煎丸

治脾胃大虛不進飲食肌體羸瘦四肢無力

兼治久瘡久痢癥瘕

陳皮

甘草

當歸

萆薢

肉蓯蓉

吳茱萸

厚朴

肉桂

陽起石

巴戟

石斛

附子

兔絲子

牛膝

鹿茸

杜仲

乾姜

右為末用酒五升入陳皮末煎熬如飴後入各末攪勻

石臼內搗丸梧子大每服三十九溫酒鹽湯任下

參苓造化糕 治脾虛面黃肌瘦吐利清冷腹脹腸鳴四

肢無力飲食無味用此以養脾胃

人參

白茯苓

各四兩

白朮

蓮肉

去皮心

乾山藥

芡實

各三兩

右為細末用粳米八升磨粉和勻少加白糖蒸糕焙乾

人參膏

治七情勞傷精神短少言語不接肺虛咳嗽及

諸失血後或行倒倉法後能回元氣於極敗之後惟肺

經實熱忌服

人參一斤愈多愈好切成咀片砂鍋內水浮一指慢

火煎退一半濾汁收候換水煎相至三次嚼參無味

方止三汁併熬成膏大率參一斤取膏一磅

五味子膏

五味子一斤洗淨水浸一宿以手搓去核再用溫水

洗取核上餘味俱以布濾過加白蜜二斤先秤砂鍋

重若干後入水蜜煎至二斤四兩為率收磁瓶內數

日後出火氣每用白湯調服三匙

三味安胃丸

治下虛腎氣不得歸源變見雜證諸藥不

効者用此補腎令其納氣

破故紙

小茴香

乳香

等分

右爲末蜜丸梧子大每服三十丸空心淡鹽湯下
太極丸

核桃肉 一兩二錢
金 二兩六錢 木
黃柏 二兩六錢 木
知母 一兩四錢 水
破故紙 二兩八錢 火
砂仁 五錢 土

右爲末蜜丸梧子大每服三十丸鹽湯下

交感丹 治心腎不交驚悸痞塞飲食減少遺精夢泄此

藥大能益氣養神降火升水

茯神 四兩 香附 一斤

右爲末蜜丸彈子大每用一丸空心細嚼用酒方加甘草少許爲末調熱湯下

王節齋虛損主方

白芍藥 炒 當歸 白朮 一分 錢三

川芎 熟地黃 知母 蜜水拌炒

天門冬 各一錢 黃柏 蜜水拌炒 陳皮 各七分

生地黃 酒浸 甘草 炙各五分 乾姜 炒紫色三分

右姜水煎服

加減法

咳嗽盛加桑白皮馬兜鈴瓜蒌仁各七分五味子十粒

痰盛加半夏貝母瓜蒌仁各一錢

盜汗多加牡蠣酸棗仁各七分浮小麥一錢

潮熱盛加桑白皮沙參地骨皮各七分

夢遺精滑加牡蠣龍骨山茱萸各七分

赤白濁加白茯苓一錢炒黃連三分

衄血咳血出於肺也加桑白皮一錢黃芩山梔仁各炒五分

嗽血痰血出於脾也加桑白皮貝母黃連瓜萎仁各七分

咯唾血出於腎也加桔梗玄參側柏葉炒各一錢

嘔血吐血出於胃也加山梔黃連乾姜蒲黃炒各一錢

韭汁半酒盃姜汁少許

牛膝丸 治肝經虛損

牛膝

萆薢

杜仲

肉蓯蓉

鬼絲子

防風

葫蘆巴

補骨脂

沙苑熟藜各兩

肉桂 五錢

右為末酒煮猪腰為丸梧子大每服六七十丸空心酒

下一方無葫蘆巴補骨脂

金剛丸 治腎損骨痠不能起床宜益精神腎

萆薢

杜仲 炒

肉蓯蓉 酒浸

鬼絲子 酒浸等分

右為細末酒煮猪腰子搗藥為丸梧子大每服六十丸

酒下

四物湯

四君子湯

方俱見中風條

太平丸

炙甘草湯

方俱見肺痿條

三黃補血湯

十灰散

花蕊石散

茯苓補心湯

滋陰降火湯

方俱見吐血條

知母茯苓湯

桔梗湯

方俱見咳嗽條

加味逍遙散

八珍湯

腎氣丸

方俱見耳證條

補中益氣湯

方見脾胃條

人參養榮湯

方見氣滯條

參苓白朮散

十全大補湯

天王補心丹

方俱見三消條

八味丸

方見中寒條

玄兔固本丸

小兒絲子丸

方俱見夢遺條

三白湯

方見鼓脹條

小建中湯

方見瘧疾條

桂枝加龍骨牡蠣湯

即桂枝湯加三味方見傷寒條

黃耆建中湯

方見內傷條

煨腎丸

方見腰痛條

牛膝益中湯

未查

蒼朮膏

方見痿躄條

新增

加味八物湯

治男子婦人諸虛百損極效

知母 炒八分

黃柏 炒八分

麥門冬

去心十分

天門冬 去心七分

川芎

當歸

生地黄

芍藥 各八分

人參 六分

白朮

茯苓 各八分

黃連 炒七分

陳皮 去白七分

半夏 七分

枳殼 炒三分

香附 七分

甘草 三分

言說揚經 卷之十 虛損
右生姜三片水煎去渣溫服

虛損第一百

虛損損而至於極病名勞瘵其證有陰陽之分凡精液
爲酒色虧損而成者全屬陰虛其爲病也口唾白痰胃逆
惡心飲食難化小便偏多遺精白濁大便溏泄謂之虛勞
泄者不止者死因久瘡久嗽而成者多屬陽虛其病口乾
舌瘡咽痛涕唾稠粘手足心煩疼小便黃赤大便燥結爲
之熱勞咽瘡失音者死大都氣血因勞倦不運則疑結疎
漏邪氣得以相乘今飲食勞倦所傷則上焦不行下脘不
通薰炙胸中而爲內熱頸下有核腹中有塊或當臍冰冷
無力言動皆痰涎結聚氣血凝滯所致也宜開闢起胃爲

先凡關脉閉則氣血乾枯胃氣弱則藥不散布陰病開關無非行痰利氣宜二陳湯加便製香附貝母牡丹皮當歸山查蘇梗及生地黄木香谷少許以氣清痰少為病戒陽病開關無非清熱利便宜瀉白散加柴胡秦艽桔梗木通澤瀉當歸白芍藥等味以小便多為病去陰陽俱用參苓白朮散三白湯或二陳湯加白朮神麩麥芽以起脾胃如有泄瀉者尤宜多服久服俟胃氣轉然後陽虛用劫勞散十全大補湯人參養榮湯補中益氣湯人參湯陰虛用加味道遙散滋陰降火湯節齋四物湯補陰丸大造丸補天丸痰盛者瓊玉膏白鳳膏但脾胃虛氣血弱必滋陰藥中

量入童便以代降火之藥先醫有言曰服涼藥百無一生服洩瀉萬無一死此治勞瘵分陰陽之法也然其證有傳變男子自腎傳心肺肝脾女子自心傳肺肝脾腎五臟復傳六腑而死亦有始終只在一經者或專着心腎而不傳者逮至發熱不休形體瘦甚鬱積之久則生異蟲蝕人臟腑精華勞傷於肝膽者則生毛蟲狀如刺蟬瓦蛆之類蝕人筋膜勞傷心與小腸者則生羽蟲狀如燈蛾蚊蟲禽鳥之形蝕人血脉勞傷脾與胃者則生螺蟲狀如嬰駭蚯蚓之類蝕人肌肉勞傷肺與大腸者則生介蟲狀如龜鱉蝦蟹之類蝕人膚膏勞傷腎與膀胱者則生鱗蟲狀如魚龍

蛟鯉之類蝕人骨髓或挾相火之勢亦如羽蟲之酷或狀如鴟梟之類其形不一大法用四物湯加童便竹瀝姜汁氣血虛甚發熱成勞者補天丸加骨蒸藥知母黃柏地骨皮麥門冬秦艽青蒿鱉甲石膏竹葉烏梅之類佐之傳屍勞寒熱交攻久嗽咯血日益羸瘦先以三拗湯次以蓮心湯此丹溪大藥之意也而病態不一以先後之意及與虛損條互酌之自可轉危爲安矣然其病不止於一身也親密侍奉之人同氣聯枝之屬薰陶日久或死後蟲出饜人七竅疔與前人無異病名曰疔傳屍之名所由起也其蟲第一代如嬰兒或如鬼或如蝦蟇遇丙丁日蝕起醉歸心

俞第二代蟲如亂絲或如守宮或如蜈蚣或如蝦蟇遇庚辛日蝕起醉歸肺俞第三代蟲如蛟如蟻或如蠅或如刺蟬遇寅卯日蝕起醉歸厥陰俞第四代蟲如亂絲或如猪肝或如蚯蚓或如蛇遇戊巳日蝕起醉歸脾俞第五代蟲如鱉龜或有頭無足或有足無頭或如鼠或如精血遇甲乙日蝕起醉歸肝俞第六代蟲如馬尾有兩條一雌一雄或如鱉有頭足與尾或如爛麩或長或短遇壬癸日蝕起醉歸腎俞病至於甚則居肺間者嘗多所謂膏之上育之下也鍼砭不到藥之不行只宜早灸膏肓四花若欲取蟲衣五臟方選用然必俟其大醉日方可以酌行但取蟲之

後隨宜用補如取其臟蟲卽以補其臟病甚者不必拘臆
臍只用追病丹以絕其根輕者以鰻鯉魚煮食亦可或服
紫河車丹陽氣虛者金液丹夫勞瘵之證醫非無方無法
也而陰火太盛之人偏嗜於色至有死而不悔者縱有良
醫將奈之何故治此者不但要醫人識病又在病人謝却
人事清心靜養節食戒欲方可以言保全云
人參湯 吐血止後服此補之

人參 二兩

右加棗五枚水煎細細服之

大造丸 治虛弱之甚陽物僅具形迹面色痿黃并大病

後不能作聲及足不能任地女人月水不調或小產難
產或每懷女胎夫婦服之便可生男故名大造丸服則
耳目聰明鬚髮俱黑

紫河車 一具

黃栢 益酒浸三日炙

龜板 童便浸三日炙

杜仲 酥炙各一兩五錢

牛膝 酒浸三日一兩五錢

人參 一兩

生地黄 二兩五錢同砂仁茯苓在砂鍋內酒煮七次去砂苓

天門冬

麥門冬 各一兩三錢

右爲末用地黃搗膏再添酒糊搗丸梧子大每服八十
丸空心臨臥鹽湯下夏月加五味子七錢女人去龜板
加當歸怯證去人參遺精白濁赤白帶加牡蠣

補天丸

即大造丸去人參地黃麥門冬加陳皮乾姜各五錢
白鳳膏 治一切久勞怯弱虛憊咳嗽吐痰嗽血發熱

烏嘴白鴨 一隻

大棗 二升

參苓平胃散 一升

陳煮酒 一甌

右將鴨縛定隨患人量置酒在器頓溫刺鴨血在酒中
攪勻一氣飲盡入肺經補潤其肺次將鴨乾搨其毛脇
邊開一孔取出肝腸拭乾以棗去核每個中入參苓平
胃散訖填於鴨肚內已用麻扎住入鴨於砂鍋以煮酒
分作三次添入炭火煮乾先食鴨肉其棗陰乾隨意食

之俱人參湯送下後服補髓丹

又製丸如上法煮鴨取出焙乾連骨為末藥棗搗膏加
煉蜜丸梧子六每服八十九人參湯下辰午夕各一服
蓮心湯 此丹溪方也治傳屍勞寒熱交攻久嗽咯血日
益羸瘦先服三拗湯次服此方

當歸

黃耆

甘草

鱉甲

醋炙黃

前胡

柴胡

獨活

羌活

防風

防已

白茯苓

半夏

黃芩

陳皮

阿膠 沙成珠

官桂

白芍藥

麻黃

不去根節

杏仁

另研雙仁不用

蓮花鬚

南星

川芎

枳殼

麩炒各五分

芫花

醋炒黑一撮

右姜棗煎服須待吐有黑物芫花漸減少蓋芫花反甘草所以殺蟲炒之所以斷熱去寒妙處在此

紫河車丹

治虛勞羸瘦喘嗽痰氣及飛屍鬼疰等證

紫河車

一具挑去血筋酒煮極爛

人參

一兩五錢

茯神

當歸

熟地黃

各一兩

木香

白茯苓

各五錢

乳香

沒藥

各四分

朱砂

二錢

麝

二分

右爲末以河車搓拌晒乾再磨石酒糊丸梧子大每服五十丸人參湯下一日三服按紫河車乃精血所成非金石草木之比所謂以人補人者故入血分藥則滋陰退熱入氣分藥則壯陽生子入痰藥治痰入風藥治風雖危病可生真無往而不利者也

追病丹

治勞瘵咳血吐痰思食無厭者宜用

史君子肉

二兩

乾漆

炒一兩

貫衆

五錢

雄黃

一錢

硫黃

信

各三分

右爲末分作六服候每早思食之時隨其所思卽煮熟切碎入小茴香三分拌和先食所思之饌後以其汁入

藥末調勻服之隨卽睡下蟲既被藥或利或吐而出用藥之時勿令患者知是殺蟲藥

二陳湯

方見痰證條

瀉白散

方見口舌條

參苓白朮散

十全大補湯

方俱見三消條

節齋四物湯

卽虛損主方

三白湯

補陰丸

方俱見虛損條

切勞散

方見肺痿條

人參養榮湯

方見氣滯條

補中益氣湯

方見脾胃條

加味逍遙散

方見耳證條

滋陰降火湯

金液丹

方俱見吐血條

瓊玉膏

三拗湯

方俱見咳嗽條

四物湯

方見中風條

加味四物湯

治婦人骨蒸

當歸

白芍藥

川芎

熟地黃

地骨皮

瀉腎火

牡丹皮

瀉包絡火等分

右以咀水煎服

參耆散

治勞瘵嗽喘咯血擊焦潮熱盜汗

柴胡

阿膠

炒

黃耆

蜜炙

白茯苓

紫苑茸

常歸

川芎

半夏

製

貝母

枳殼

炒

桔梗

秦艽

甘草

炙

人參

五味子

羌活

防風

杏仁

去皮尖

款冬花

鱉甲

醋炙

桑白皮

炒各五分

右姜棗水煎服

青蒿散 治骨蒸勞瘵增寒壯熱

青蒿 春夏用葉秋冬用子不用葉用根不用莖四者混用反成痼疾必用童便浸過乃有功效無毒

大驚甲 醋炙

白木

地骨皮

白茯苓

桑白皮

粉草

人參

柴胡

瓜萎實 各五分

右姜水煎服

三胡散

治骨蒸勞熱久而不痊三服除根其効如神及

五癆七傷虛弱皆治

胡黃蓮 一錢

柴胡

前胡

烏梅 各二錢

右用童便二盞猪膽一個猪脊髓一條韭白五分煎一

盞服

神授散

治傳屍勞氣殺蟲去毒

川椒

去子并合口者淨二斤炒去汁

右為末酒糊丸梧子大每服五十九空心白湯下

草還丹 治陰虛骨蒸

青蒿一斗五升童便二斗慢火熬至二斗去蒿再熬

至一斗入猪膽七個又熬數沸用甘草細末收和為

丸梧子大每服五十九白湯下

麥煎散 治少男室女骨蒸婦人血風攻注四肢

赤茯苓

當歸

乾漆 炒烟盡

鱉甲 醋炙

常山

大黃 煨

柴胡

白朮

生地黃

石膏 各一兩

半夏 五錢

右為末每服三錢小麥五十粒水煎食後臨臥服若有

虛汗加麻黃根一兩東坡云此黃州吳判官療骨蒸勞

嗽口臭肌熱盜汗極効吳若寶之不肯輕傳

神人阿魏散

治骨蒸傳屍證寒熱羸瘦困倦喘嗽

阿魏 三錢

青蒿 一握研

東北方桃枝 二握

甘草 如病人中指大男左女右細切

右以童便二升五合隔夜浸藥明日煎取一大升空心

分為三次溫服每次調入兵部末三分如人行十里再

進一服男病女煎女病男煎合藥時忌孝子孕婦病人

及腥穢鷄犬等物服後忌油濕麪生冷硬物服至一二

劑即吐出勞蟲或瀉出餘藥即止若未吐利仍須服盡

大率病在上即吐在下則利所出蟲如馬尾人髮即愈

服藥後覺虛弱及魂魄不安以白茯苓湯補之

白茯苓湯

白茯苓 一錢

人參

犀角末 各五錢

登是阿 卷之十 考

遠志

龍骨

防風 各二錢

生地黄

麥門冬 各四錢

甘草 三分

大棗 七枚

右以水二大碗煎一碗分三服如人行十里許又一服
隔日再一劑須連服乃効

驚甲散 治虛勞

驚甲 大者一個醋炙 柴胡

川歸

甘草 炙 桔梗

白芍藥

人參 各一兩 麝 五分

杏仁 去皮尖炒另研

胡黃連 各二錢 官桂 五錢

地骨皮

宣黃連 各二錢五分 真酥 三兩

木香 五錢

白沙蜜 三兩

右為細末用青蒿一斤童便五升熬青蒿汁約二升濾去粗入酥蜜再熬成膏俟冷入藥末搜和為丸如梧子大每服十五丸鹽酒送下米飲亦可日進三服秋冬時更入桃柳心七個與柴胡散同煮間服

輕膏散 治勞嗽

烏梅 龍膽草

胡黃連

貝母 知母

驚甲 酥炙

桔梗 秦艽

柴胡

炙甘草

梔子

杏仁 去皮尖炒

青蒿 酒浸

阿膠

人參 等分

右晒乾爲末用好墨一塊井花水磨調作餅如大指頭大透風處陰乾十四日每用一餅以井花水磨化又用沒藥五分研成一盞又加黃栢末二錢同煎數沸傾入盞內頻頻打轉五更時輕輕起服卽仰臥甚者不過三服

蛤蚧飲子 治勞熱

蛤蚧 一對洗淨酒醋浸黃色

黃芩

麻黃 不去根節

胡黃連

秦艽

生甘草

生地黃 酒浸洗

熟地黃 酒洗

青蒿

人參

柴胡

知母 去毛酒洗

貝母

杏仁 去皮尖雙仁炒另研各五錢

鱉甲 一兩酒醋炙

桔梗

草龍膽

木香 各一錢五分

右爲細末每服二錢加烏梅姜棗煎服

青蒿飲 治遠年近日勞瘵骨蒸潮熱不問男婦服之神如

青蒿

桃枝 各一握

葱白

甘草 各三寸

右用童便二碗煎至一碗半去粗入阿魏一分再煎一二沸分二服服時入栴檀末五錢調下如惡心必吐吐後必安再進一服其蟲定出送藥人不可與病人對立

言諸提綱 卷之一 勞瘵 九三
恐為蟲襲其藥男病女煎女病男煎忌鷄犬等物患者
宜冬進三服一年內五服則病除根

青蒿飲子 治勞瘵

青蒿 一斗五升 童便 三斗

右以文武火熬童便至二斗去蒿再熬至一升入猪膽
汁七個或加辰砂栴榔末三五錢再熬數沸甘草末取
之每服抄一匙清湯點服極効

鬼哭飲子 秘傳取傳屍勞瘵

天靈蓋 酥炙黃色 鱉甲 醋炙黃

貫衆

柴胡 各二錢五分 木香 一錢二分 青蒿 半握

鼓心 醋炙黃色 阿魏 生甘草

安息香 各一錢 桃仁 二十一粒去皮另研

右十一味為粗末以童便二斗浸藥在星月下露至四
更煎八分去粗分三服每服俱調後散五更初温飲一
服即穩睡至發鼓後又進一服日出時如未到又進第
三服已利則止

栴榔 二錢五分 辰砂 一錢二分五厘 麝 一錢另研

蜈蚣 赤足者一條竹筒盛姜汁浸焙

烏鷄糞 烏鷄在五日煎飼以火麻子五日後取糞三錢五分

右五味研為細末和勻分三服以前藥調服此藥宜六

甲并除建日避孝服人及女人不潔人并鷄犬制合服
時不可與患人說知亦毋使預聞其氣使惡得先匿服
藥後必利下惡物并蟲以盆盛之急用火燒或油煎滅
迹衣被之類盡宜燒易惟服葱粥將息以復元氣所下
之蟲青赤黃者可愈黑者難療但蟲滅而免傳疰亦除
後患也

麝香散 治男婦骨蒸發熱五勞七傷等證

天靈蓋

二錢五分
酥炙黃色

柴胡

犀角骨

五錢

甘草

三寸

東引桃枝

東引柳枝

東引榴枝

青蒿

各一握

阿魏

一錢另研

薤白

葱白

各十寸

麝

二錢五分

右并爲粗末用童便二升半浸藥一宿明早煎至一升
半去粗分三服每服入棋枰細末三錢五更初溫服約
人行五七里再進一服若惡心欲吐嚼白梅止之三服
後瀉出惡物異蟲或身如蟲行不可名狀後用葱粥調
之忌風一月出蟲後補以茯神散忌食油膩鹹酸麪濕
牛羊猪犬鷄魚製合避諱如前煎藥男女互易雖年遠
重病不過二服

一方取勞蟲用天靈蓋二指大一塊檀香煎湯洗淨酥油
塗炙呪七遍云雷公神電母聖逢傳勞便須定急急如

律令又用鷄心栴榔五枚阿魏甘遂各二分麝香安息香各三分辰砂一分各研極細和勻以薤白葱白各十莖青蒿二握甘草二莖各五寸桃柳桑酸石榴枝俱取向東南嫩者各長七寸二握以童便四升砂鍋內慢火煎取一升男患女煎女患男煎瀝担分三盞每盞調前藥三錢五更初一服至五更盡必腹鳴少傾下蟲及惡物黃水如人行五七里候若未下再進一服天明又進一服如要吐白梅止之瀉止以龍骨黃連等分爲末熟水調下五錢次吃白梅水補之

一方治傳屍勞每日以腰子一對童便二盞好酒一盞入新磁瓶內以泥封固黃昏慢火煮至三更而止五更又以火溫之開瓶飲汁食腰雖病篤者一月見效

取屍蟲仙秘方

青桑皮

柳枝

梅枝

酸石榴枝

桃枝

俱取向東者各七莖俱長七寸

青蒿 一握

葱白 七莖

安息香 去石

阿魏 各一錢各另研

右除安息阿魏外餘藥用童便一升半煮退一半去担入安息香阿魏二味再煎十數沸分二服謂後藥

辰砂

栴榔

各五分各研麝少許另研

右作二服入前湯五更初進一服三點時又進一服至
已午時必取下蟲嘴紅者可治青黑者不活但可以免
傳疰耳製藥處宜居密室服藥人勿令預知忌生冷
附葛氏治勞血咳嗽十方

第二 十灰散 治吐血不止方見吐血條

第三 花蕊石散 治腔中瘀血方見吐血條

第四 人參湯 止血後補劑方見勞瘵條

第五 保和湯 止咳寧肺方見虛損條

第六 保真湯 補虛除熱方見虛損條

第七 太平丸 久嗽潤肺兼治肺癰肺痿方見肺痿條

消化痰丸 止熱痰壅盛

青礞石 硝煨法 見痰證

明礬

皂角

南星

半夏

白茯苓

陳皮 各二兩

枳殼

枳實 各一兩五錢

薄荷 一兩

沉香

黃芩 各三錢

右為春姜汁浸神麩糊為丸梧子大每服一百丸臨臥
飴糖拌吞次噲太平丸二藥相攻痰嗽除根

潤肺膏 治久嗽肺燥肺痿方見肺痿條

白鳳膏 治虛勞之極吐痰嗽血發熱方見勞瘵條

補髓丹 生精補髓和血順氣

第八

第九

首發...

...

...

...

平胃散末

四君子湯各四兩知母

黃栢 各一兩

右知栢為末與平胃四君和勻易用團魚一個烏骨鷄一隻製淨去骨猪羊脊髓各一條用酒在砂鍋內煮熟研爛入大山藥五條蓮肉八兩太棗一百枚去核大柿餅十枚去核井水攪入鍋內煮熟研爛慢火再熬後入明膠四兩黃蠟三兩漸漸添入和搗成膏方入藥末如硬再加煉蜜丸梧子大每服一百丸不拘時棗湯下

新增

加味補元養真湯 治男子婦人等症體虛骨蒸盜汗服

之大有効驗

當歸

沙參

白朮

赤茯苓

生地 各六分

天門冬

去心五分

麥門冬

去心四分

白芍藥 炒五分

赤芍藥

知母

炒五分

黃栢 炒五分

五味子

柴胡

六分

地骨皮 八分

黃連

六分

甘草

二分

黃芩

六分

山梔子

六分

蓮心

四分

右水煎臨服再入童便少許

諸證提綱

卷之十

勞瘵

九十七

諸證提綱卷之十終



